


陽春白雪

卷下



陽春白雪卷第五目錄

瑞龍吟

龍山會

秋霽

金盞子

孤鸞

高陽台

玉漏遲

倦尋芳

念奴嬌

風流子

喜遷鶯

倦尋芳

齊天樂

過秦樓

綠頭鴨

漢宮春

木蘭花慢

畫錦堂

隔浦蓮

洞仙歌

念奴嬌

花心動

玉漏遲

念奴嬌

瑞鶴仙

春歸怨

瑞鶴仙

桂枝香

永遇樂

塞翁吟

青玉案

祝英台

玉樓春

菩薩蠻

謁金門

南鄉子

菩薩蠻

清平樂

菩薩蠻

四字令

長相思

聲聲慢

齊天樂

法曲獻仙音

風流子

清夜游

齊天樂

摸魚兒

八聲甘州

滿庭芳

意難忘

風入松

采桑子

柳梢青

阮郎歸

朝中措

踏莎行

好事近

小重山

眼兒媚

如夢令

玉樓春

陽春白雪卷第五

臨濮趙間禮立之選

瑞龍吟 清明日觀競渡

吳君特

大溪面遙望繡羽衝煙錦
梭飛練桃花三十六波
鮫宮時起嬌雷乍轉去
如箭催趁戲旗游鼓
素瀾雪濺東風冷溼蛟腥澹陰
送晝輕霏弄晚洲上青蘋
生處門春不管懷沙人遠
殘日半開一川花影零亂
山屏醉纈連棹東西岫闌干
倒千紅妝靨鉛香不斷
傍暝疎簾捲翠連
綉筵歌未散簪柳門歸
嬾猶自有玉龍黃昏吹怨
重雲暗閣春霖一片

龍山會 南豐登高

趙靈齋

重整登高屐羣玉峯頭
萬里秋無極遠山青欲
滴新雁過縹緲

孤雲天北煙入小橋
任水痕退寒流澄碧對佳辰
驚心客裏鬢絲堪摘
風流晉宋諸賢騎臺龍山
俛仰皆陳迹憑闌看落日
嗟往事惟有黃花如昔
醉袖舞西風任教笑參差
鳧鷖但回首東籬久負有誰知得

秋霽

盧蒲江

虹雨纔收政挹葉殘
蟬漸老雲木銀漢飛星
玉壺零露萬里素秋如沐
倚顰抱獨盼嬌曾記郎心
日向豔歌偏愛賦情多處
寄衷曲淒涼謬有舊日闌
干夜涼無因重照頰玉扇
紈收鸞孤蠹損一番愁緒
暗相觸回首塞雲空雁足
露井零亂已足負了桐陰
可堪輕誤滿籬種菊

金盞子

水仙

趙靈齋

得水為仙向漢皋遺佩
碧波涵月藍田玉煖生煙
稱縞袂黃冠素姿冰潔
亭亭獨立風前奈香多愁
絕當時事琴心妙處難傳
有誰堪說歲晚渺無人更
短景繁雲天欲雪滿湘煙
水茫茫但萬里相思寒江
空濶殷勤折向梅邊聽玉
龍吹徹丁寧道百年兄弟
相看晚節

孤鸞

梅

前人

江南春早問江上寒梅
占春多少幾點寒星細萬
里春風到幽香不知甚處
但迢迢滿汀煙草回首誰
家竹外有一枝斜好記當
年曾共花前笑念玉雪襟
期有誰知道喚起羅浮夢
正參橫月小淒涼更吹塞
篥謬相思鬢華驚老待覓
西湖半曲對霜天清曉

高陽臺 落梅

吳夢窗

宮粉雕痕仙雲墮影無人野水荒灣古石埋香金沙鎖骨連環
南樓不恨吹橫笛恨曉風千里關山半飄零庭院黃昏月冷闌
干壽陽空理愁鸞問誰調玉髓暗補香瘢細雨歸鴻孤山無
限春寒離魂難倩招清些夢縞衣解珮溪邊最愁人啼鳥清明
葉底青圓

玉漏遲 和趙立之

林玉谿 表民

並湖游冶路垂堤萬柳翹塵籠霧草色將春離思暗傷南浦舊
日惛惛坊陌尚想得畫樓窗戶成遠阻鳳箋空寄燕梁何許
淒涼瘦損文園記翠筩聯吟玉壺通語事逐江鴻幾度悲懽休
數鶯評亂花深裏悄難替愁人分訴空院宇東風晚來吹雨

又

史蘄泉

絲樹深庭院侵簾暝草泐幽蘚問訊餘芳糝迳碎紅千點暗
有芹香墮凡認杏棟營巢新燕晴思軟春光幾許費人裁翦
梅陰地溼無塵但密袖熏虬靜看詩卷半掬羈心似翠蕉難展
花事殷勤過了漸愁入薰風團扇屏畫掩屏上數峯青遠

倦尋芳

張荃翁 端義

曉聽社雨猶帶餘寒尚侵襟袖插柳千門相近禁煙時候鬢墜
搔頭深舊恨臂寬條脫添新瘦捲重簾看雙飛燕羽舞庭花晝
誰共語春來怕酒一段情懷燈暗更深卷畫屏山今夜夢魂
還又愁墨題箋魚浪遠粉香淚染鮫綃透待相逢想鴛衾鳳幃
依舊

念奴嬌

李草堂

鏡鸞分影望天涯腸斷悄無紅葉幾度秋風吹翠被一縷幽香
難減燕卜新梁花移別檻回首春如客懽情何在綠楊空鎖愁
色 可是今古風流小橋妹麗只許周郎得金谷珠簾空百尺
不礙夢魂飛入釵股盟深舊緣未斷月有重圓日藍橋路近乘
雲先問消息

風流子

王樂道 咏祖

東風長是客簾櫳靜燕子一雙飛看花塢日高翠陰護曉柳塘
風細絲漲浮漪腸斷處渭城春樹遠江國暮雲任芳筵聽鶯暗
驚心事畫檐聞鵲試卜歸期 小樓凝竚地疎窗下幾度對說
相思記得菱花對照素手曾携有新恨兩肩向誰說破芳心一
點惟我偏知休為多情瘦却重有來時

喜遷鶯

馮深居

涼生遙渚正綠艾擎霜黃花招雨雁外漁莊蛩邊蟹舍絳葉表
秋來路世事不離雙鬢遠夢偏欺孤旅送望眼但憑舷微笑書
空無語 慵覩清鏡裏十載征塵長把朱顏汙借箸青油揮毫
然塞猛譚不堪重舉間濶故山猿鶴冷落同盟鷗鷺倦游也使
檣雲杪月浩歌歸去

倦尋芳

翁時可

燕簾挂晚鶯檻迷晴花思零亂試覓娉婷日日傍湖亭苑擲果
墻陰窺駐馬采香深迳拋春扇醉歸來任釵雲半落繡簾慵捲
念燦錦年華如舊飛絮游絲紫恨難翦蜀羽無情早帶怨紅

啼斷厚約輕辭寒食夜行雲空
梨花院莫凭闌正斜陽澹煙
平遠

齊天樂

翁賓陽 寅

幽香不受春料理青青尚餘秋鬢
澗曲岩隈煙梳霧浴甘与菰
蒲共隱芳標瘦迥看纓結丁香帶
縈晴荇恨水東流楚江顛顛
亂雲暝 淒涼夢游故苑縱妬花
風暴吹夢難醒豔李妖桃紆
青佩蕊爭似廣文官冷塵波萬頃
算誰是同心自憐孤影收斂
風流素絃清夜永

齊天樂

元夕

同前

紅香十里銅駝夢如今舊游重省
節序飄零歡娛老大慵立鐙
光蟾影傷心對景怕回首東風雨
晴無準曲巷幽坊管絃一片
笑聲近 飛棚浮動翠葆看金釵半
溜春招紅粉鳳輦鼇山雲
收霧斂迤邐銅壺漏迥霜風漸緊
展一幅青綃淨懸孤鏡帶醉
扶歸曉醒春夢穩

過秦樓

和美成韻

趙白雲 崇端

隱枕輕潮拂塵疎雨幽夢似真還
斷鶯雛燕婉依約年時花下
試翻歌扇顛顛鬢怯春寒慢掠輕
絲柳風如箭甚陽台杳邈行
雲無準楚天空遠 應喚覺當日
琴心社今詩思惆悵客衣塵
染釵留股玉鞵繫鈎羅荏苒臘寒
春變問訊多情別後笑巧顰
嬌對誰長倩但晚來江上眼迷
心想越山兩點

絲頭鴨

利碧澗 登

晚春天柳絲初透晴煙黯離懷
絲房深處艷游曾記當年襯龍

綃亭亭玉樹步鴛袴窄窄金蓮燒蜜調蠶翦花挑蝶香雲微溼
綠鸞鬢嬉游困倚郎私語還愛撫郎肩共攜手海棠院左翡翠
簾邊恨無情錦籠鸚鵡等閒輕語花前者相憐關山咫尺
尺今相望咫尺關山是妾心闌是郎意嬾是郎無分妾無緣都
休問金枝雲裏何日跨金鸞深盟在香囊暗解終值雙鴛

漢宮春

九日登豐樂樓

王

手撚黃花對西風無語雙鬢蕭蕭韶華暗中過眼零落心交登
登把酒更誰伴破菊持螯惟只有湖邊鷗鷺飛來如受人招
往事不禁重省料縮羅分鈿翠減香銷空向畫橋古柳猶繫輕
橈西興渡口誤歸帆幾信寒潮傷情處澹煙殘照倚闌人共秋
高

木蘭花慢

史蘂泉

畫樓簾半捲倩誰覓鳳簫音記待月梅邊籠香酒後私語屏陰
息息佩珠暗解斷歸鴻消息兩沈沈前度劉郎易老舊時飛燕
難尋羅襟薄有淚痕侵釵股暗黃金向寶奩密看綾箋小字
長是驚心登臨漫勞眺遠但青山杳隔暮雲深曾倚灣橋繫馬
紫駟嘶度平林

畫錦堂

牡丹

黃玉泉

麗景融情浮光起畫玉妃信意尋春一笑酒盃翻手滿地祥雲
寶臺豔盛文綃帔郎官嬌舞鬱金裙嫣然處況是生香微溼膩
臉餘醺暖肌烘欲透愁日炙還銷風動成塵細為品歸雪調
度与朱脣翠幃晚暎真箇畫金蓮夜照越精神湏拚醉回首夕

陽流水碧草如茵

隔浦蓮 荷花

同前

瑶妃香透戰冷竚立青銅鏡玉骨清無汗亭亭碧波千頃雲水
搖扇影炎天永一國清涼境 晚妝靚微酣不語風流幽恨誰
省沙鷗少事看到睡鴛雙醒蘭棹歌遙隔浦應催暝瀉絲縈斷
歸艇

洞仙歌

姑蘇舊臺在三十里外今
臺在胥門上次潘紫岩韻

吳宮故壘是天開
圖畫縹緲層雲出飛榭隱隱空樓翠巘水繞
蕪城平疇迥點染霜林彫謝 越來溪上雁聲切闌干似覓胥
門怨吳霸屬鏤沈香溪斷夢散雲空千年外等是漁樵閒話但
極目荒臺鬱蒼煙衰草裏又還夕陽西下

念奴嬌 題馬嵬園

程楚客 武

蜀江城遠想連雲危棧接天窮
霎惆悵煙塵回首地雙闕觚稜
猶故龍尾星聯羽林風肅未放鸞駝去不堪掩面淚沾宸袖如
雨 庾事當日昭陽吹羌鳴羯澹却霓裳舞三十六宮春滿眼
曾把色嗔香妬芳草埋情飛花墮怨翻被蛾眉誤畫圖驚見黯
然魂斷今古

聲聲慢

秋聲淅瀝楚棹吳鞭相逢易老顏色桐竹鳴騷音韻水雲空覓
炎涼自今自古信浮生有誰禁得漫回首問黃花還念故人猶
客 莫管紅香狼籍蘭蕙冷使他露知霜識木落山空心事對
秋明白氎衣暗塵易染算江湖隨人寬窄正無據看寒蟾飛上

算碧

花心動 泊舟四聖觀

史籀泉

肌雪浮香見梅花清姿
滂勞凝竚澹粉最嬌羞
把春長記壽陽眉
媵綠苔深徑尋幽地
誰相伴凌波微步翠鴛冷
芳塵路杳舊游何處
不信重城間阻終沒个
因由寄聲傳語寶炬凝珠
絲筆呵冰密寫斷腸新句
月寒煙暝孤山下羞吟
斷橋邊去遮愁緒
丹青怎生畫取

齊天樂

王月山

夜來疎雨鳴金井
一葉舞空紅淺蓮渚收香
蘭皋浮爽涼思頓欺班
扇秋光苒苒任老卻
蘆花西風不管清興難磨
幾回有句到詩卷
長安故人別後料征鴻
聲裏畫闌凭徧橫竹吹商
疎砧點月好夢又隨雲遠
閑愁似絃甚繫損柔腸
不堪裁翦聽著鳴蛩一聲
聲是怨

玉漏遲

趙立之

絮花寒食路晴絲
眉日綠陰吹霧客帽欺風
愁滿畫船煙浦綵柱秋
千散後悵塵鑱燕簾鶯戶
從間阻夢雲無準鬢霜如
許夜永繡閣歲嬌記掩扇
傳歌翦鐙留語月約星期
細把花鬢頻數彈指一襟
幽恨滂空倩啼鶻聲訴
深院宇黃昏杏花微雨

法曲獻仙音

花匣么絃象奩雙陸
舊日留歡情意夢別銀瓶
恨裁蘭燭香篝夜間鴛被
料燕子重來地桐陰璫窗
綺倦梳洗蘭芳鈿自羞
鴛鏡羅袖冷煙柳畫簾
半倚淺雨壓茶蘼拍東風
芳事餘幾院

落黃昏怕春鶯驚笑顛顛倩柔紅約定喚取玉簫同醉

念奴嬌

柴仲山

春來多困正日移簾影銀屏深閉喚夢幽禽煙柳外驚斷巫山
十二宿酒初醒新愁半斛媚得成顛顛鬢鬆雲鬢不忺鸞鏡梳
洗門外滿地香風殘梅零亂玉糝蒼苔碎乍暖乍寒渾莫擬
欲試羅衣猶未鬥草雕闌買花深院做踏青天氣晴鳩鳴處一
池昨夜春水

風流子

方君遇

春被雨禁持傷心事鬢髮去年時記芳筵算歸褪妝微醉暗幃
先寢聞笑佯寢回首別離容易過楊柳又依依紅燭怨歌鬢花
零落青綾亭夢屏影參差桃源今何在劉郎去應念瘦損香
肌誤約夜闌從前怪我多疑但怕收殘淚對人徐語拍彈新恨
推戶潛窺還是厭厭病也無計憐伊

瑞鶴仙

方君遇

客邊情味惡花漏遠春靜風鳴鳳鐸空梁燕泥落映柔紅微眉
海棠簾箔愁鐘恨角怕催人黃昏索寞攤吟袍凭煖闌干醉怯
冷香羅薄阿鵲幽芳月澹紫雲曲昏有人說著名繯易縛歸
鞭香誤期約記金泥卜畫銀屏娛夜彈拍恩恩恨錯為情多撓
盡芳春帶圍瘦覺

又立春

趙立之

凍痕消夢草又招得春歸舊家池沼園扉掩寒悄倩誰將花信
徧傳深窈迢游趁早便裁卻春衫短帽任殘梅飛滿溪橋和月

醉眠清曉 年少青絲織手綵勝嬌鬢賦情誰表南樓信杳江
雲重雁歸少衝香嘶馬流紅迴岸幾度綠楊殘照想暗黃依舊
東風霸陵古道

清夜游 越調

周彥良

西園昨夜又一番闌風伏雨清晨按行處有新絲照人亂紅迷
路歸唵窗瓦但瓶几留連春住窺晴小蝶翩翩等閒飛來似相
妬 遲暮家山信杳錦字難憑清夢無據春盡江頭啼鵲最悽
苦薔薇幾度花開誤風前翠尊重舉也應念留滯周南思歸未
賦

春歸怨 越調

同前

問春為誰來為誰去息息太速流水落花夕陽芳草此恨年年
相觸細履名園閒看嘉樹藹翠陰成簇爭知也被韶華換卻鬢
人髻邊緣 小花深院靜旋引清尊自歌新曲燕子不歸來風
絮亂吹簾竹誤文姬凝望久心事想勞頻卜但門掩黃昏數聲
啼鴉又喚起相思一掬

齊天樂

儲華谷

東風一夜吹寒食枝頭片紅猶戀宿酒初醒新唵未穩凭久闌
干留煖將春買斷恨苔迳榆堦翠錢難貫陌上秋千相逢難認
舊時伴 輕衫粉痕褪了絲緣餘夢在良宵偏短柳綫經煙鶯
梭織霧一片舊愁新怨慵拈象管待寄与深情難憑雙燕不似
楊花解隨人去遠

瑞鶴仙

徐南溪

暮霞紅暎沿恨柳枝疎瘦不禁風攪投林數歸鳥更枯筇敲荻
糝紅堆暮江寒浪小雁來多音書苦少試看盡水邊紅葉不見
有詩流到 煩惱憑闌人去枕水亭空路遙天杳情深恨渺無
計許與伊道漏聲催門外霜清風細月色今宵最好怎割捨美
景良時等閒睡了

又

陸景思 廠

濕雲黏雁影望汜路愁迷離緒難整千金買光景但疎鍾催曉
亂鴉啼暝花惊暗省許多情相逢夢境便行雲都不歸來也合
寄將音信 孤迥盟鸞心在跨鶴程高後期無準情絲待翦翻
惹得舊時恨怕天教何處參差雙燕還染殘朱賸粉對菱花与
說相思看誰瘦損

又 用陸湘韻

黃澹翁 中

睡餘拋倦枕憶篆鼎香銷起來慵整晴光破清冷正柳黃梅澹
染金勻粉茶甌雋永試經行桐花舊井記前回未綠鴛波近日
燕芹青盡 因省春風如舊人面何歸對時傷景樓高望迥潮
有信雁無準任相如多病沈郎全瘦都沒音塵寄問便做無阿
鵲頻頻可能睡穩

摸魚兒 海棠

劉後村

甚春來冷煙淒雨朝朝遲了芳信驀然作暖晴三日陸覺萬株
嬌困天怎忍潘郎老不成沒个看花分才情減盡悵玉局飛仙
石湖絕筆孤負者風韻 傾城色懊惱佳人薄命墻頭岑寂誰
問東風日暮無聊賴吹得胭脂成粉君細認花共酒古來二事

天猶吝年光去迅謬綠葉成陰青苔滿地做取異時恨

又 次晁无咎韻

李文溪 昂英

敞茅亭茂林環翠苔磯任蘸煙浦青蓑混入漁家社斜日斷橋
船聚真樂處坐芳草瓦尊濁酒頻頻注皋禽自舞慣松迳衝雲
梅村踏雪朗笑自來去 車乘墜爭似修筇穩步前塵回首俱
誤安閒得在中年好抱鏡尚堪疏圃高眼覷算不識人間寵辱
除巢許風篁解語應共笑羣狙無端喜怒三四記朝暮

又

葉直菴 閻

倚薰風畫闌亭午采蓮柔艣如語紅裙濺水鴛鴦溼幾度雲朝
雨暮游冶處最好是小橋芳樹尋幽趣繡簾任護任涼入霜紈
月侵冰簟長夏等閒度 都如夢悵望游仙舊侶遺蹤今在何

許愁予渺渺瀟湘浦檻竹空敲朱戶黯無緒今多情文園曾草
長門賦酒酣自舞笑滿袖緇塵教莖霜鬢羞殺照溪鷺

摸魚兒

重過西湖

張梅深 槃

又吳塵暗斑吟袖西湖深處能浣晴雲片片平波影飛趁櫂歌
聲遠回首喚髣髴記春風共載斜陽岸輕携分短悵柳密藏橋
煙濃斷迳隔水語音換 思量徧前度高陽酒伴離蹤悲事何
限雙峯塔露書空艷情共算鴉盤轉歸興嬾悄不似留眠水國
蓮香畔燈簾暈滿正蝨帙逢迎沈煤半冷風雨閉宵館

又 登巖州西樓

柴秋堂 望

望長江幾分秋色三分渾在煙雨傷心已怕江南樹那更算蟬
如雨帆且駐試說看羊裘釣雪今何許魚龍自舞但一舸蘆花

殺聲羌笛鷓鴣共來去
年年恨流水朝朝暮暮
天涯嘗歎飄聚衾寒不轉
鈞天夢樓外誰歌白紵
君莫許君試按箏箏未必
如鍾呂鄉心最苦算只有
娟娟馬頭皓月今夜照歸路

桂枝香

前人

今宵月色歎暗水流花
年事非昨蕭洒江南似畫
舞楓飄柞誰家又唱江南曲
一番聽一番離索孤鴻飛去
殘霞落盡怨深難託
又腸斷丁香畫雀記牡丹時
候歸燕簾幕夢裏襄王想
念王孫漂泊如今雪上蕭蕭
鬢更相思連夜花發柘枝
猶在春風那似舊時宋玉

八聲甘州

陳月境

芟荷風滌面恰麥秋應
倒著春衣渡曉溪雲溼日
流塵腳露洗蛛絲調翼受
風離燕弱不解爭泥襯琅玕
錦院竹外薔薇立
久闌干凭暖看行魚吹沫
波暈平池蘚痕斑礎石漸
雨熟梅時傍短籬成團粉蝶
掠野花相逐高低忘言
薔薇絃乍拂流水先知

永遇樂

為張安國賦焦尾集不載

韓南澗

元吉

池館春歸簾櫳晝靜清漏
移箭山下孤城水邊翠竹
鷓鴣聲千轉綺窗人去尚有
唾茸遺綫點珠筵歌檀舞扇
寂寞舊家排遍青雲賦客多情
多病西掖桐陰滿院飛絮
隨風馬頭月在翡翠帷空捲
平湖煙遠斜橋雨暗欲寄短書
雙燕算猶憶蘭房畫燭醉時
同翦

滿庭芳

此詞究有淮海風味惜不名世

劉吉甫

頌

鷺老梅黃水寒煙澹斷香誰与添温寶釭初上花影伴芳尊細
細輕簾半捲凭闌對山色黃昏人千里小樓幽草伴王孫十
年羈旅興舟前水驛馬上煙村記小亭香墨題恨猶存幾夜江
湖舊夢空悽斷多少消魂歸鴉被角聲驚起微雨暗重門

塞翁吟

千里和清真詞一
集可取者僅此耳

方千里

暮色催更鼓庭戶月影朧臆記舊迹玉樓東看枕上芙蓉雲屏
幾幅江南畫香篆燼煖煙空睡起處繡衾重尚殘酒潮紅 忡
忡從分散歌稀宴少懷麗質渾如夢中苦寂寞離情萬緒似秋
後怯雨芭蕉不展愁封何時細雨此夕相思曾對西風

意難忘

和清真韻

朱用之

宮額塗黃怕箋凝怨墨酒清離觴紅樓春寄夢青瑣夕生香花
氣暖柳陰涼棹曲水滄浪愛弄嬌臨流梳洗頰影低相 桃花
結子成雙縱題紅去後枉誤劉郎琴心挑別恨鶯羽學新妝千
萬恨嬌柔腸便顛顛何妨待共伊平消別後幾度風光

青玉案

年年社日停針綫怎忍見雙飛燕今日江城春已半一身猶在
亂山深處寂寞溪橋畔 春衫著破誰針綫點點行行淚痕滿
落日解鞍芳草岸花無人戴酒無人勸醉也無人管

又和方回

姚志道

三年枕上吳中路遣黃耳隨君去若過吳江呼小渡莫驚鷓鴣鷺
四橋都是老子經行處 輞川圖上看春算長憶高人古丞句
作个歸期天未許春衫猶是小蠻針綫曾溼西湖雨

風入松

康伯可

一宵風雨送春歸
絲暗紅稀
畫樓盡日憑闌意
與誰同
撚花枝
門外薔薇開也
枝頭梅子酸時
玉人應是數歸期
翠斂愁眉
塞鴻不到
雙魚遠
恨樓前流水難西
新恨欲題紅葉
東風滿院
花飛

祝英臺近

史邦卿

柳枝愁
桃葉恨
前事怕重記
紅藥開時
新夢又溱洧
此情老去
須休
春風多事
便老去
越難迴避
阻幽會
應念偷翦荼蘼柔
條暗縈繫
節物移人
風暮更顛顛
可堪行院題詩
蘚堦聽雨
寸心外
安愁無地

採桑子

朱野逸
藻

障泥油壁人歸後
滿院花陰
樓影沈沈
中有傷春一片心
閒穿綠樹
尋梅子
斜日籠明
團扇風輕
一徑楊花不避人

玉樓春

劉隨如
鎮

泠泠水向橋東去
漠漠雲歸溪上住
疎風澹月未來時
流水行雲無覓處
佳人獨立相思苦
薄袖欺寒
修竹算白頭
空負雪邊香
著意問春
春不語

柳梢青

施芸隱
樞

飛露初霜
冷侵金井
響到銀牀
懊恨碧梧不留
一葉月占紗窗
雁聲做盡
淒涼
又陡頓
寒衾
夜長
曲曲屏山
重重客夢
無限思量

菩薩蠻

李草堂
億

畫樓酒醒春心悄
殘月悠悠芳夢曉
嬌汗浸
任鬢屏山雲雨闌
香車河漢路
又是恁恁去
鸞扇護明妝
含情看綠楊

阮郎歸

王花洲

同祖與之

一簾疎雨細於塵
春寒愁殺人
桐花庭院近
清明新煙浮
舊城尋蝶夢
怯鶯聲
柳絲如妾情
丙丁帖子畫
教成妝臺求
晚晴

謁金門

趙竹潭

浦夫

天色晚雲外
一箏斜雁獨
凭闌干
秋滿眼
菊花寒尚淺
荼落香海紅
泛嬾把新詩題
怨何處
笛聲三弄
斷月遲
簾未捲

朝中措

吳夢窗

晚妝慵理
瑞雲盤
針綫傍
燈前
燕子不歸
簾捲海棠
一夜孤眠
踏青人散
遺鈿滿路
雨打秋千
尚有落花寒
在綠楊未褪春

絲

南鄉子

孫花翁

璧月小紅樓
聽得吹簫憶
舊游
霜拍闌干
天似水
揚州薄倖聲
名總是愁
塵暗鷓鴣裘
針綫曾勞玉
指柔
一夢覺來三十載
休休空為梅花白了頭

踏莎行

陳芸厓

璧

江濶天低樓高思
迥春煙黯澹
如秋景
今年芳草去年愁
分明又報明年信
燕子還來
歸期未定
可堪醉夢紅塵境
世間萬事儘消磨
水流不盡
青山影

又

王夢之

柳外寒輕水邊亭
小昨朝燕子歸
來了天涯無數
舊愁根
東風

種得成芳草 亭畔秋千當時歡笑香肌不滿和衣抱那堪別
後更思量春來瘦得知多少

又

錢若洲

孫

征雁雲深亂蛩寒淺驚心怕見年華晚蕭疎隄柳不禁霜江梅
瘦影清相伴 舞暗香首歌闌團扇月明夢繞天涯遠斷腸人
在畫樓中東風不放珠簾捲

菩薩蠻

利碧澗

玉闌干外重簾晚流雲欲度長天遠花草不知名春來各自春
絲鞍游冶客何處垂楊陌不信不歸來海棠花又開

又

劉耕擬
仙倫
招山

秦樓去了東風伴一川煙草無人管芳淫雨初晴黃鸝三兩聲

海棠花已謝春事無多也只有牡丹時知他歸未歸

好事近

趙立之

人去絲屏間逗曉柳絲風急簾外杏花微雨宵春紅愁溼 單
衣催賜麴塵羅中酒病無力應是繡牀慵困倚秋千倚立

又

小枕夢催閒飛雨時鳴高屋挂起西窗人靜聽春禽聲續 鴨
塘溪綠漲輕痕烟柳媚新絲誰伴瘦筇尊酒弄崑泉飛瀑

清平樂

程楚客

曳雲搖玉袞蹙秋綃幅學得琵琶依約熟貪按雁沙新曲 曲
終滿院春閒清顰移上眉山心事怕人猜破折花背插雲鬢

小重山

同前

香減鮫綃添淚痕
綠雲長是恨等閒
心玉笙猶記夜深聞
湘水杳寂寞隔巫雲
翠被冷重熏
做成歸夢了
卻消魂
垂楊濃處著朱門
依然是風雨掩黃昏

菩薩蠻

曾蒼山 原一

澹黃斜日留汀草
簷瓦半露遙岑小
病眼不禁愁
闌干無數秋

雁聲何處落
舊夢還驚覺
風重葛衣單
深山吹笛寒

眼兒媚

黃東浦 簡

畫樓瀨水碧梧陰
清夜理瑤琴
打窗風雨逼
簾煙月種種關心
當時不道春無價
幽夢費重尋
難忘最是鮫綃暈
滿蟬錦香

沈

四字令

劉改之

情高意真
眉長鬢青
小樓明月
調箏寫春風
數聲思君憶君
魂牽夢縈
翠綃香煖
雲屏更那堪
酒醒

如夢令

謝無逸

門外落花流水
日暖杜鵑聲碎
蕃馬小屏風
一枕畫堂春睡
如醉如醉
正是困人天氣

又

王聖與

妾似春蠶抽縷
君似箏絃移柱
無語結同心
滿地落花飛絮
歸去遙指亂雲遮處

長相思

康伯可

南高峰北高峰
一片湖光煙靄中
春來愁致儂
郎意濃妾意濃
油壁車輕郎馬驄
相逢九里松

又

郎恩深妾思深祗為思深便有今回紋幸舊吟 雲沈沈水沈沈一點堅如百鍊金郎應知妾心

韓子明 膠

又

杜娘家謝娘家樓壓官橋柳半遮簾波漾彩霞 拾飛花怨飛花望斷郎來日又斜東風吹鬢鴉

又

夜蕭蕭夢蕭蕭又趁楊花到謝橋鳳沈明月簫 來迢迢去迢迢枉把嗔箋寄寂寥飛鴻不受招

又

花深深柳陰陰度柳穿花覓信音君心負妾心 怨鳴琴恨孤

陳東甫

衾鈿誓釵盟何處尋當初誰料今

玉樓春

徐山民

螢飛月裏無光色波水不搖樓影直每憐宿粉泥啼痕嬾把舊書觀字蹟 枯荷露重時聞滴君夢不來誰阻隔妾身不畏浙江風飛去飛來方瞬息

又

李冰壺 子酉

紗窗春睡朦朧著相見尚懷相別惡夢隨城上角聲殘淚逐樓前花片落 東風不解吹愁卻明月幾番乖後約當時惟恐不多情今日情多無處著

又

利碧澗

夾簾不捲重堂算白騎少年何處去雲根穉藹已生花煙外子

松今作樹 金梯月澀知無與 寶瑟風驚猶自語 斜河一道界
相思橫隔天心寒似霧

又

陳雲厓

瓊奴家與章臺並路遠 可憐歸夢近 被頭浪語臉紅 薌鏡面頻
思眉翠暈 年年花月年年病 花月無情人有恨 欲將此恨寄
湘流又恐湘流流不盡

陽春白雪卷第五終

陽春白雪卷第六目錄

六州歌頭 二

摸魚兒 四

芙蓉月

三姝媚

夜合花

西牕燭

大酺

歸朝歡

多麗

滿庭芳

滿江紅

揚州慢

孤鸞

宴清都

徵招

齊天樂

祝英台近

二郎神

綺寮怨

側犯

春聲碎

八六子

桂枝香

漢宮春

渡江雲

小重山

戀繡衾

烏夜啼

如夢令

憶王孫

昭君怨

望江南

菩薩蠻

搗練子

八聲甘州

瓊窗寒

華胥引

東風第一枝

慶清朝

點絳脣

伊州三台令

拋球樂

醉太平

楊柳枝

長相思

詞金門

浣溪紗

樓心月

陽春白雪卷第六

臨濮趙聞禮立之選

六州歌頭

桃花
焦尾集不載

韓南澗

東風著意先上小桃枝紅粉膩嬌如醉倚朱扉記年時隱映新
妝面臨水岸春將半雲日暖斜橋轉夾城西草軟莎平跋馬垂
楊渡玉勒爭嘶認蛾眉凝笑臉薄拂胭脂繡戶曾窺恨依依
共携手處香如霧紅隨步怨春遲消瘦損憑誰問只花知淚空
垂舊日堂前燕和煙雨又雙飛人自老春長好夢佳期前度劉
郎幾許風流地花也應悲但茫茫暮靄目斷武陵溪往事難追

又謝人送牡丹

劉後村

維摩病起兀坐等枯株清晨裏誰來問是文殊遣名姝奪盡羣

花色浴才出醒初解千萬態嬌無力困相扶絕代佳人不入金
張室卻訪吾廬對茶鐺禪榻笑致此翁癡珠髻金壺始消渠
憶承平日繁華事修成譜寫成圖奇絕甚歐公記蔡公書古來
無一自京華隔問姚魏竟何如多應是彩雲散劫灰餘野鹿銜
將花去休回首河洛邱壇謬傷春弔古夢繞漢唐都回首款款
摸魚兒懷雲厓陳棄車
東甫時游湘潭譚明之宣子
在菴
掩朱絃住聽金縷天涯同是羈旅多情記把香羅袖殘粉半粘
荆樹還信否便忍道石臺暗寂春無主分明問阻那睡鴨噀雲
翔鴛溜月此際更休語 人間世誰識絨愁最苦輕帆重解煙
雨而今翻笑周郎誤挑剔寒缸尋譜游倦處果因甚亭亭瘦影
如前度無由寄與待謝卻梅花東風為我吹夢過淮浦

又梅

趙景周與洽
鷺菴

甚幽人被花勾引庭皋遙夜來去江空歲晚誰為伴只有瓊枝
玉樹愁絕望萬里瑤臺夢斷迷歸路花還解語更雪琢精神
冰相韻度粉黛盡如土 飄仙袂曾綴藥珠鷺鷥雲茵月障千
步莫教衣袖天香冷恐怨美人遲算更起舞任斗轉參橫翠羽
曾知否塵緣自誤終待與驂鸞乘風共去長作此花主

又

王與之同祖
花洲

記年時荔枝香裏深紅一片成陣迎風浴露精神爽誰似阿嬌
丰韻黃昏近望翠幕玳筵粉面雲鬢映嬌波微瞬向燭影交相
歌聲間繞私語畫闌並 佳期事好霎天還慳吝鶯啼燕語無
定一輪明月人千里空夢雨溫雲潤蕭郎病恨天潤鴻稀杳杳

沈芳訊日長人靜但時把好山學他媚媼偷就肩峯印

又 瓊花

施與言

柳蒙茸暗凌波路煙霏慘澹平楚七香車駐猊環掩遙認翠華
雲母芳景算鴛鴦悄銖衣來按飛瓊舞淒涼洛浦漸玉漏沈沈
清陰滿地乘月步處去 消凝處誰說平安小杜翔螭聲斷簫
鼓情知禁苑酥塵沈羞与倡紅同譜春幾度想依舊苔痕長印
唐昌土風流千古人在小紅樓珠簾半捲香注玉壺露

芙蓉月 芙蓉

趙靈齋

黃葉舞碧空臨水霞照眼紅苞齊吐柔情媚態竚立西風如訴
遙想僊家城闕十萬絲衣童女雲縹緲玉娉婷隱隱彩鸞飛舞
尊前更風度記天香國色曾占春算依然好在閑伴清霜零

露一曲闌干敲徧悄無語空相頌殘月澹酒闌時滿城鍾鼓

三妹媚

杜子卿

花浮深樹岸迎新曦窗影細觸游塵映葉青梅記共折南枝又
及嘗新駐屐危亭煙墅杳風物撩人虹外斜陽留晚鶯邊落絮
催春 心事應辜桃葉但自把新詩徧寫修筠恨滿芳洲倩晚
風吹夢暗逐江雲漫撚輕籠幽思切清音誰聞謬有鴛鴦結帶
雙垂繡巾

夜合花

孫花翁

風葉敲窗露蛩唵梵謝孃庭院秋宵鳳屏半掩釵花映燭紅搖
潤玉煖膩雲嬌染芳情香透鮫綃斷魂留夢煙迷楚驛月冷藍
橋 誰念賣藥文簫望仙城路香鶯燕迢迢羅衫暗摺蘭痕粉

迹都銷流水遠亂花飄苦相思寬盡春腰幾時重恁玉驄過處
小袖輕招

西窗燭 雨霽江行自度腔

譚明之

春江驟漲雨陌微乾斷雲如夢相逐料應怪我頻來去似千里
迢遙傷心極目為楚腰慣舞東風芳草萋萋襯綠 燕飛獨知
是誰家簫聲多事吹咽尋常怨曲儘教衿袖香泥沈君不見揚
州三生杜牧待淚華暗落銅盤甚夜西窗翦燭

大酺 牡丹

正綠陰濃鶯聲懶庭院寒輕煙薄天然花富貴逞天紅殷紫疊
葩重萼醉豔酣春妍姿泥露翠羽輕明如削檀心鴉翼嫩似離
情愁緒萬分交錯更銀燭相輝玉瓶微浸宛然京洛 朝來風
雨惡怕傷懋伍張青油幕便好倩佳人插帽貴客傳箋趣良辰
賞心行樂四美難并也須拚醉莫辭杯酌被花媚情無著長笛
何處一笑江頭高閣極目水雲漠漠

歸朝歡

趙白雲 襟宗崇碯

翠羽低飛簾半揭寶箏牙牀涼似雪窗虛雲母澹無風隔墻花
動黃昏月玉釵鸞墜髮盈盈白露侵羅襪記逢迎鴻驚燕婉銜
影弄明滅 蜀雨巫雲愁斷絕羅帶同心畱綰結交枝紅豆兩
中看為君滴盡相思血染衣香未歇夜闌天淨魂飛越正消凝
一庭秋意煙水浸空澗

多麗 西湖

趙雲洞 時奚

斂吳雲翠奩推上紅晴渺澄流鱗光寒碎遠峯螺紺任凝杏香

香引畫船影溼柳陰趁騎馬蹄輕橋限寬平堤橫南北去來人
入繡圓行漸際晚梅妝游困十里曳歌聲蒼煙濶飛鴉妬春一
夢催醒 認名園當時宴幸纜痕猶在危亭露花濃靜迎直砌
霧鮮冷森護飛甍幾對東風留連麗景年年春老越山青夜深
月照人依舊何處最關情歡娛地星換世移客恨還盈

滿庭芳

西湖憶宣城園池

吳履齋

東水溶溶春山漠漠澹煙淺草輕籠危樓闌檻掠面小東風又
是飛花落絮芳草暗萬綠成叢閒徙倚百年人世都在畫船中
故園無恙否一谿翠竹兩徑蒼松更有魚堪釣有林堪畚巨
事塵駟物役空回首社燕秋鴻功名已蕭蕭短鬢分付与青銅

滿江紅

滕王閣

同前

萬里西風吹我上滕王高閣正檻外楚山雲漲楚江濤作何處
征帆未去有時野鳥沙邊落近簾鉤暮雨掩空來今猶昨
秋漸緊添離索天正遠傷漂泊歎十年心事悠悠莫莫歲月無
多人易老乾坤能大愁難著向黃昏斷送客魂消城頭角

揚州慢

瓊花

趙靈齋

十里春風二分明月蘂仙飛下瓊樓看冰花翦翦摧碎玉成球
想長日雲階竚立太真肌骨飛燕風流斂羣芳清麗精神都付
揚州 兩窗數朶夢驚回天外香浮似闌苑花神憐人冷落騎
鶴來游為問左淮風景長空澹煙水悠悠又黃昏羌管孤城吹
起新愁

孤鸞 四明後園石峯之下
小池之上有梅花

黃玉泉

冰心孤癖戀幾插靈峯半泓寒碧骨瘦和衣薄清絕成愁極蕭
然滿身是雪怕人知鏡中消息獨向百花夢外自一家春色
記羅浮幽夢渾如昔有浸眼鯨波倚雲丹壁夜醉空山酒叫裂
橫霜笛回首洞天未曉但迢迢江南千驛飲散東風落月正海
山浮碧

宴清都

胡伯雨翼龍蒙泉

夢雨隨春遠正衫薄短篷猶逗寒淺裁芳付葉書愁沁壁水窗
竹院別來被篝梅潤暗塵積舊題紈扇許多時閒了闌干放得
蘚痕青滿誰念杜若還生蘋花又綠不堪重恨山程水記茶
經硯譜共誰閒展湖山省曾游徧不怪得近番心懶恰今朝水
落洲平江上楚帆風轉

徵招

同前

蘋花又綠江南岸賓鴻帶將寒去幾許落梅愁渺暗香何處一
春長是雨賸費卻翠篝沈炷冷隔簾旌潤銷窗紙有人唵苦
燕壘漬芹香畫堂永關心去年情緒愁壓曲屏深更小山無數
湔裊前事誤

未闌不了消凝移損秦箏柱

齊天樂

丁無隱

兩株煙柳荒城外依依暮帆曾駐小扇障塵輕輿帖岸誰料重
行唵霎流光暗度悵蘭溼春移葦汀秋聚可奈清愁快呼艇子
載將去 中年懷抱易感甚風花水葉猶似孤旅伴鶴幽期隨
鶯樂事還是情乖意負衣塵帽土但杜鏡堪羞賀囊徧 待報
山靈莫教雲壑妬

祝英臺近

向莘老 希尹

曉簾櫳晴院宇金鴨冷沈水翠被欺寒嬌困未收起厭壓兩點
眉峰一痕酒暈正人在溫柔鄉裏甚情味羞對釵燕第鴻胥
脂暗彈淚欲寫吳箋無處問雙鯉倩他輕薄楊花與愁結伴直
吹到那人根底

二郎神 西施浣紗磧

周伯

浪花皺石颭夜月欲移還定想白苧烘晴黃蕉攤兩人整斜巾
照領翦斷鮫綃何人續黯夢想秋江風冷空露漬藻鋪雲根苔
梵指痕環影重省五湖萬里誰問煙艇料寶像塵侵玉瓢蛛
鎖羞對菱花故鏡領畧鴉黃破除螺黛都付渚蘋汀荇春醉醒
暮雨朝雲何處柳蹊花迳

綺寮怨 宮人斜弔古

石正倫 瑤林

綠野春濃停騎暖風飄醉襟漸觸景物淒悲花無語曲迳沈
沈重簷繚垣靜鏤丹青暗斷軸塵半侵歎絳紗玉臂封時何期
掩夜泉流恨深已矣霜凋蕙心蘭昌舊事雲容好信難尋竚
立孤唵怕鳳履有遺音今宵珮環奏月知倦客苦登臨驚飛翠
禽松杉弄碎影晴又陰

側犯

譚明之 宣子

素秋漸爽倚香曲枕情依舊懷袖浸數尺湘漪筆紋皺悲懽盡
夢裏玉骨泛消瘦空又思太液芙蓉未央柳翔鳳何在樂府
傳孤奏人病酒有鴛鴦雙字倩誰繡拜月西樓幾聲滴漏應恐
純潔已疎郎手

春聲碎

南浦送別自度腔

前人

津館貯寒輕脈脈離情如水東風不管垂楊無愔力兩鬢煙寐闌
干外怕看燕掠文疏鼓疊春聲碎 劉郎易顛顛况是厭厭病
起蠻箋漫展便寫就新詞倩誰將寄當此際渾似夢峽啼湘一
寸相思千里

八聲甘州

鄭南谷 夢協

大江流日夜客心愁不禁晚來風把英雄浩興氣衰餘事吹散
無蹤但有山圍故國依舊夕陽中直北神州路幾點飛鴻 欲
問周郎赤壁歎沙沈斷戟煙鎖蒙衝聽波聲如語空亂荻花散
甚雲間信少到黃昏偏映落霞紅尊鱸美扁舟也江歸去相伴
漁翁

又 送翁時可如宛陵

陸雲西 字景思

問纏臂跨鶴事如何人生鼠風流怕江邊潮汐世間歧路只是
離愁白馬青衫往事贏得髻先秋日送紅橋晚幾番行舟 蘭
佩空餘依黯便南風吹水人也難留但從今別後我亦似浮沤
敬亭上半林琴月記彈將寒影落南州秋聲裏塞鴻來後為爾
登樓

又 孤山寒食

羅澗谷 特

甚怱怱歲月又人家插柳記清明政南北高峯山傳笑響水汎
簫聲吹散樓臺煙雨鶯語許春晴何處無芳草惟此青青 誰
筦孤山山下任種梅月冷薦菊泉清看人情如此沈醉不須醒
問何事樊川歸去歎故鄉七十五長亭君知否澗雲溪竹笑我

飄零

又

胡蒙泉

甚年年心事占秋多
芳洲亂蕪生正小山已桂東籬
又菊秋為人清腸斷
洞庭葉下倚西風誰可寄
芳蘅嫋嫋愁余處欲醉還醒
為問故人何處自謫仙
去後知與誰明耿盈盈如此分影
落瑤觥步高臺夜深人靜
有飛仙同跨海山鯨歸來也
遠游歌罷失却秋聲

八六子

鄭幼霞 熏初 小山

憶南洲紺波縈繞垂楊翠
拂朱樓念十載風流夢覺
滿身花影人扶舊曾暗游
無言空愴離憂醉袖裏
將紅淚唵箋寫許清愁
試與問楊瓊解憐郎否也
應還是舊家聲價而今
豔質不來眼眉柔情終在
心頭黯凝眸黃昏月沈半鉤

瑣窗寒 重游東湖

蘇才叔

雲浦蒼寒煙堤暮翠
舊痕新漲春愁十里
冉冉碧絲搖蕩記登臨
年少思高唾玉擊玉
歌清壯到如今夢裏
秋風鴻陣晚波漁唱
惆悵重來處望畫舫
天邊繾綣原上山陰
秀句付與一聲雲響
正東湖誰家柳下
干陰漠漠人蕩槳
最堪憐白髮周郎為江山自賞

桂枝香

徐鼎夫 西麓

人間秋至對暮雨滿城涼
思如水桐葉驚風似語
怨蛩齊起南樓月冷
曾多恨怕而今夜深橫
吹那堪更聽蕭蕭撼撼
透窗搖睡問楚夢閑雲
何地但手約輕綃省人
深意紅樹池塘誰見

宿妝凝睇舊時裘馬行歌事合都歸汀蘋煙芷思王漸老休為
明璫沈吟洛涘

華胥引

丁无隱書塢

論交肩語惜別心啼費情不少蕙渺溱期蘋深記約輕誤了幾
度金鑄相思又燕歸鴻渺誰料如今被鶯聞占春早頻把愁
勾惜鴉雲嬌紅猶繞渾拚如夢爭奈枕醒屏曉欲寄芙蓉香半
握怕不禁秋媚重是親逢片帆雙度天杪

漢宮春

趙雲洞時奚

霜皎千林正石槁人靜春滿橫塘寒花自開自落曉色昏黃明
沙暗草對東風深鎖閒堂金漏短江南路遠夢回雲冷瀟湘
重到舊時花下按玉笙歌徹月正西廊亭亭愛伊素影粉薄新
妝經年瘦損謾誰知心事淒涼休更聽城頭畫角一聲聲斷人
腸

東風第一枝

探花

黃玉泉

迅影彫年嫩晴貫暖意行問訊春色不知春在誰家闌香慢攏
玉勒一枝竹外似欲訴經年相憶奈情多難翦愁來寂寞水寒
煙碧嗔正好悲笳喚恨酒正殢夕陽催客殷勤片月飛來更
隨暗香細索橫斜瘦影看盡未開時消息為春來還怕春多腸
斷夜闌霜笛

渡江雲

和清真

蕭鶴皋

元之體仁

流蘇垂翠幃高任一色紅紫等泥沙香山居士老柳枝桃葉飛
梗屬誰家好音過耳任啼鳥怨入芳華心情懶筆牀吟卷醉墨

戲翻鴉 堪嗟雕弓快馬救肋追蹤向夕陽坡下休更憶青絲
絡纏紅袖裁紗司空見慣渾如夢笑幾回索葦吹葭山中樂從
渠恣賞鶯花

慶清朝 木芙蓉

李敏軒 宏模 希膺

碧玉雲深彤綃霧薄芳鼓亂迷秋渚重城傷水中有吹簫儔侶
應是瓊樓夜冷月明誰伴乘鸞女仙游處翠帟障塵紅綺遮步
別岸玉容愛倚愛淺抹蜂黃澹籠紈素嬌羞未語脈脈悲煙
泣露絲扇何人妙筆丹青拈得花魂住歌聲算夢入錦江香裏
歸路

小重山

曾蒼山 原一 子實

薄雪初消銀月單疎疎浮竹影矮紅闌梅花夢事落孤山禁人
處霜重鼓聲寒 留取曉來看斑簾任小閣燭花殘一帆明月
去滄灣空相憶雪浪月痕翻

又

黃乙山 鑄 六顏

涼入秋欄雨意長竹深啼絡緯響虛堂一枝鐙影耿昏黃疎簾
外風度木樨香 心事易成傷胭脂坡下土易成黃空仙螺子
玉釵梁鴛屏夢應到舊章郎

又

陳伯可 成之

恨入眉尖慰不開日高猶未肯傍妝臺玉郎嘶騎不歸來梁間
燕猶自及時回 粉淚汗香顯纖膏成瘦損有人猜一春那試
下香堦春又去花落滿蒼苔

點絳脣

宋蘭室 自道 吉甫

山雨初晴餘寒猶在東風軟滿庭苔蘚青山無人見
好客不來門外芳菲徧難消遣流鶯聲轉坐看芭蕉展

又

朱竹里 茂一
才料

竹翠箴煙杏紅流水歸何處透簾穿戶更灑黃昏雨
織錦題書誰寄愁情去渾無緒綠楊千縷不似真眉嫵

又

朱堯章 填

繡被鴛鴦寶香熏透薔薇水枕邊一紙明月人千里
宿酒初醒全不忺梳洗擡纖指微箱玉函百色思量起

戀繡衾

趙參晦 汝菟

柳絲空有千萬條繫不住溪頭畫橈想今宵也對新月過輕寒
何處小橋玉簫臺榭春多少溜啼紅臉霞未消怪別來胭脂
慵傅被東風偷在杏梢

又

蕭大山 則山

倚闌閒看燕定巢舊彈箏因病久拋畫不殘眉黛被東風吹在
柳梢曉來暗理傷春曲把金釵枕畔細敲書寄与天涯去并
相思紅淚一包

又 梅

趙白雲

江煙如霧水滿汀早梅花偏占淺清倚翠竹寒無力想滿湘斜
日暮雲幾回夢斷陽春面問百花猶隔幾塵趁月夜霜風峭
約綵鸞同載玉笙

又

趙雲洞

迢迢江路日又曛為春遲長是怨春小立馬千林下寄寒香歸

贈故人 相逢細說經年恨
早息息吹散霽雲算惆悵芳菲事
粉蝶知應自斷魂

又

同前

江南烟水幾萬重
記玉人花底舊容待欲寄飛鴻
信望前山夕照冷紅
塞笳月下聲淒楚
怨百花春事夢空倩誰共
東君說把陽和分付羽風

伊州三臺令

楊東窗

韶文李和

水村月澹雲低為愛寒香晚吹瘦馬立多時
是誰家茅舍竹籬三三兩兩芳鞋未放瓊鋪雪堆
只者一些兒勝東風千枝萬枝

烏夜啼

潘紫岩

特庭堅

無端小雪廉纖入平簷金鴨旋添龍餅莫開簾
尋梅約開還落可曾快合作一年春恨上眉尖

又題月海星天觀即宋武所居故地

鄭幼霞熏初

春江一望微茫辨帆檣無限青青麥裏菜花黃
今古恨登臨淚幾斜陽不是寄奴住處也淒涼

拋球樂

李子我肩吾

風冒鶯紅雨易晴病花中酒過清明綺窗幽夢亂於柳羅袖淚
痕凝似飭冷地思量著春色三停早二倚

如夢令

王師錫

竹上一樓嵐翠竹下一渠春
水中有隱人居破屋數間而已無事無事靜夜月明千里

又

涼月薄陰猶殢紅豆一枝秋思門外幾重山山外行人千里歸未歸未又是菊花天氣

王師錫

醉太平

徐叔柔 夢龍

冰肌玉容情真意濃小樓幾度春風醉琉璃酒鍾關山萬重何時又逢思量雨跡雲蹤似襄王夢中

憶王孫

趙君舉

日長高柳一蟬聲翡翠簾深寶箏清夢遠春雲不散情曉風輕玉棟花飛宿雨晴

楊柳枝

前人

浙浙西風生算寒繡衣單碧梧葉落蕩花殘恨前歡月鏤雲樵烟逗竹夢千山玉簫清夜憶孤鸞鎮長聞

昭君怨

楊誠齋

昨夢扁舟花底香滿西湖煙水急雨打篷聲夢初驚卻是池荷跳雨散了珍珠還聚聚作水銀渦瀉清波

長相思

孫肖之

雲一窩玉一梭澹澹春衫薄薄羅輕顰雙黛蛾風聲多雨聲和窗外芭蕉三兩窠夜長人奈何

又

譚明之

去路遙歸路遙鐙月光中立小橋魂縈紫玉簫風蕭蕭雨蕭蕭此夜相思空寂寒梅花落麗譙

又

前人

淨亭亭步盈盈蟬影明綃傅體輕水邊無限情
翠尊傾翠環
傾歸去如何睡得成西風吹酒醒

又

楊季和 韶文

溪水清溪水渾溪上人家數畝周垂楊深閉門
青羅裙白羅
裙採盡青蘩到白蘋江南三月春

望江南

陳東甫

芳思遠南苑惜春時翠柳枝柔金笛怨碧桃花老玉笙悲風日

正遲遲

又

趙君舉

新夢斷久立暗傷神柳下月如花下月今年人憶去年人往事

夢中身

又

趙行可 時行
石洞

霜月溼人睡矮篷秋驚覺夜深兒女夢漁歌聲起白蘋洲別岸

又潮頭

謁金門

曾子實

梅粉褪點點雨聲春恨半吐桃花芳意嫩草痕青寸寸
把酒
花邊任問莫解寒深紅損等待春風晴得穩琵琶重整損

又

譚明之

銀漏滴午夜平康巷陌雙掩獸鏢人語寂餘香無處覓
回首
舊游蹤跡紺碧染衣猶溼一晌沈吟誰會得月明春店笛

又

人病酒生怕日高催繡昨夜新翻花樣瘦旋描雙蝶湊
閒凭

繡牀呵手卻說春愁還又門外東風吹綻柳海棠花厮勾

菩薩蠻

趙君舉

閒庭草色侵階綠璫窗午夢人如玉拋枕出羅幃風吹金縷衣
怨春風雨惡二月桃花落雨後縱多晴花休春不成

又

蕭體仁

斷紅流水香難覓行雲一去無蹤跡楊柳謔遮闌閒愁付遠山
玉箏彈未了倚柱人空老青子摘來酸酸心有幾般

又

郭

賣錫天氣蕭聲軟午院水沈烟未斷睡起補殘眉紅絲入鏡遲
霎時開笑靨花上看雙蝶新月上簾鉤相思不斷頭

浣溪紗

周伯弼

撲撲精神的的香茶蘼一朵晚來妝鶯鶯葉底學宮商 著意
勸人須盡醉扶頭中酒又何妨綠窗花影日偏長

又

黃同武 時龍野槁

雨歇花梢月正明映簾人靜繡燈昏鴛鴦成字便停鍼 笑啟
玉奩明酒暈緩尋金葉熨香心一春情緒此時深

又

譚明之

過高郵

欲展吳箋詠杜娘為停楚棹覓秦郎藕花三十六湖香 珠顆
翠傾饒宿淚玉痕紅褪怯晨妝小橋風月思淒涼

又

王敬子 大簡

拂面涼生酒半醒廉纖小雨晚初晴過雲無定月虧盈 庭戶
不關春悄悄闌干倚徧夜深深幾回風竹誤人聽

又

曾子隆

原龍
日明

落日蒸紅山欲燒
短筇行藥過山腰
松聲隱隱晚來潮
矮樹依巖無敗葉
梅花當路少全梢
水村時有短長橋

又

趙退齋

笑摘青梅倚綺疏
數雙花影漾前除
太湖石畔看金魚
筍指曉寒慵出袖
翠鬢春嬾不成梳
為君縫狹繡羅襦

搗練子

無名氏

偏戲風風流
斗帳金猊煖不收
一陣蜜蜂狂絮裏
酒酣眠折

玉搔頭

又

初酒醒乍衣單
褪著羣兒側著冠
門外小橋寒食夜
月明人去

杏花殘

樓心月

柳下爭擘畫
檠搖水痕不覺透
紅綃月明相顧羞
歸去都坐池頭合鳳簫

又

手把新荷葉
一枝喚來池上只愁歸
流螢裏在紅紗袖
忽到持盃个个飛

又

新著生紅小舞衣
案前磨墨誤淋漓
含嗔逗晚不梳洗
背面牙牀喫荔枝

陽春白雪卷第六終

陽春白雪卷第七目錄

憶舊遊慢

花心動

蘭陵王 三

水調歌頭

揚州慢

洞仙歌

驀山溪 二

過秦樓 二

徵招

鳴梭

霓裳中序第一

江城梅花引 四

玲瓏四犯 二

洞仙歌

念奴嬌

滿庭芳

聲聲慢 二

齊天樂 三

賀新郎 二

解連環

瑞鶴仙 三

翻香令

夢江南

夜行船

鬥雞回

鷓鴣天 三

菩薩蠻 五

阮郎歸 二

南鄉子

青門怨

柳梢青

少年游

一翫花令

漁家傲 二

霜天曉角 五

疎影

摘紅英

秋蘂香令

虞美人

踏莎行 二

謁金門 六

訴衷情

畫堂春

朝中措

少年游

更漏子 二

采桑子

江城子令

眼兒媚

陽春白雪卷第七

臨濮趙聞禮立之選

憶舊遊悵

賦東湖荷花再用方時父韻

趙虛齋

望紅蕖影裏冉冉斜陽十里堤平喚起江湖夢向沙鷗住處細
說前盟水鄉六月無暑寒玉散清冰笑老去心情也將醉眼鎮
為花青 亭亭步明鏡似月浸華清人在秋庭照夜銀河落想
粉香溼露恩澤初承十洲縹緲何許風引彩舟行尚憶得西施
餘情裊裊煙水汀

霓裳中序第一

茉莉詠

尹梅津

青鬢梁素靨海國人偏耐熱餐盡風香露肩便萬里凌空冒憑

蓮葉盈盈步月悄似憐輕去瑤闕人何在憶渠癡小點點愛輕
攏愁絕舊游輕別忍重看鑠香金篋淒涼清夜簟席怕杳杳
詩魂真化風蝶冷香清到骨夢十里梅花霽雪歸來也厭厭心
事自共素娥說

花心動

得於江西歌者而不知名氏

粉堞雲齊度清笳愁入暮煙林杪素豔透春玉骨淒涼勾帶月
痕生早江天莽蒼黃昏後依然是粉寒香瘦動追感西園嫩約
夜深人悄記得東風窈窕曾夜踏橫斜醉携嬌小惆悵舊歡
回首俱非忍看綠箋紅豆香消紅帳人孤寢相思恨花還知否
夢回霞霜飛翠樓已曉

江城梅花引

比世傳本差異不知名氏

娟娟霜月冷侵門怕黃昏早黃昏手撚梅花無語對芳尊酒又
不禁愁未醒斷魂遠一更更斷魂斷魂斷魂空斷魂被兒
裏香半溫睡也睡也睡不穩誰與溫存惟有窗前殘燭照曉痕
深夜不眠聽畫角人瘦也比梅花瘦幾分

又

使北時和李漢老

洪忠宣公

去年湖上雪欺梅月飛來片雲開雪月光中無處認樓臺今歲
梅開依舊雪人如月對花還有誰一枝兩枝三四葉想西
湖今帝里綵箋爛綺孤山外日斷雲飛坐久花寒香露溼人衣
誰作叫雲橫短玉三弄徹對東風和淚吹

又

止名氏

對花時節不曾忺見花殘任花殘小約簾櫳一面受春寒題破

玉篴雙喜鵲香燼冷繞銀屏渾是山 待眠未眠事萬千也問
天也恨天髻兒半偏繡裙兒寬了又寬自取紅氍重坐煖金船
惟有月知君去處今夜月照秦樓第幾間

又

趙彥菴

單 寒引畫龍聲雨初晴月微明竹外溪邊任見一枝橫澹月
疎花三四點春尚淺早相看似有情 夜永袖冷暗香凝恨半
消酒半醒靚妝照影未忺整雪豔冰清只恐不禁愁絕易飄零
待得南樓三弄徹君試看比從前更瘦生

蘭陵王

陳抑齋

角聲切何處梅梢弄雪還鄉夢玉井樓前千朵芙蓉插空碧鄰
翁問消息為說紅塵倦客應憐笑弓劍旌旗底事留人歸未得
淮山舊相識記急處笙歌靜裏鋒鏑隨堤楊柳猶春色嗟十
載人事幾番棋局青油年少已鬢白滂惆悵京國 朱墨困無
力似病鶴樊籠老驥羈勒夕陽不繫栖林翼待添竹東圃種松
西陌功名休問吾老矣付俊傑

又 和清真

葉漁村 士則

大堤直嫋嫋游雲蘸碧蘭舟上曾記那回拂粉塗黃弄春色施
顰託傾國金縷尊前勸客陽台路煙樹萬重空有相思寄魚尺
飄零歎萍跡自懶展羅衾羞對瑤席折釵分鏡盟難食看桃
葉迎笑柳絲垂結萋萋芳草暗水驛斷腸畫闌北 寒惻淚痕
清想柱鴈塵侵籠羽聲穿天涯流水情何極悲沈約寬帶馬融
怨笛那堪鐙幌聽夜雨鎮暗滴

又賦胡伯雨別業

劉賓王

此何夕天水空明一碧商量賦如此江山幾個斜陽了今昔荒
臺步晚色沙鳥依稀曾識啼鶻外人遠未歸江濶晴虹卧千尺
殘碑蘚痕積記當日清游夫君題墨碧瑤仙去蒼雲隔飛一
鏡秋冷列屏天遠雞聲人語半郊邑寄情又江國愁癖怕聞
笛正怨苦溪猿飛倦汀翼陰陰翡翠迷津驛慨事世塵化吾心
形役清唸孤往渺醉影夜翠溼

玲瓏四犯 重過南樓用白石體賦

譚在菴 宣子明之

碧黯塞榆黃銷堤柳危闌誰料重撫才情猶未減拍點驚如許
當時共伊乘願為辭家怕唸鷓鴣衮衮波光悠悠雲氣陶寫幾
今古 生塵每憐微步渺江空歲晚知在何處土花封玉樹恨
極山陽賦吹香扇屢餘歡斷怎忘得陰移庭午離別苦那堪聽
敲窗凍雨

又

劉葯房 之才 賓王

幾疊雲山隔不斷闌干天外凝眺秋與愁并梧迳雨痕先表嬌
夢半握芙蓉奈曲曲翠屏深窈問愁根當年誰種漠漠淡煙衰
草 鴛鴦懶拂蘋花影記眉嫵縈情多少轆轤玉帟亭絲轉聽
盡秋缸曉算誰念卧雲衣冷香壓金蟾小寫新詞先寄江鴻歸
去且教知道

水調歌頭

利碧澗 登

日月換飛澗風雨老孤松千岩萬壑秋重白氣接長空一笑掀
髯徐起蒼佩腰間相照猶自湧晴虹柔海幾翻覆人尚醉春風

橫白石結絲綺送飛鴻十年夢事消歇長劍吼青龍卻笑人
間多事一殼蝸涎光景顛倒死英雄雲日空濛裏玉鶴任西東

洞仙歌

同前

弄香吹粉記前回酒困絲露沈沈轉花影翠簾深隱隱紅霧依
人荷月靜新樣雙鸞交映如今誰念省短雨長雲曾託琵琶
再三問最苦絲屏孤夜久星寒無處頓風流心性又莫是偷香
寄韓郎到漏泄春風一枝花信

揚州慢

和趙壹齋瓊花

鄭覺齋

弄玉輕盈飛瓊澹竚鞦韆塵步下迷樓試新妝才了炷沈水香球
記曉翦春冰馳送金瓶露溼綰騎星流甚天中絕色被風吹到
南州尊前相見似羞人蹤跡萍浮問弄雪攀枝無雙亭上何
日重游我欲纏腰騎鶴煙霄依舊事悠悠但憑闌無語煙花三
月春愁

念奴嬌

同前

捲簾酒醒怕無言慵理殘妝啼粉記綰同心雙繡帶珠箔青樓
花滿琢玉傳情斷金訂約總是愁根本誰知薄倖眉於長處尋
短舊日掌上芙蓉新來成刺變却風流眼自信華年風度在
未怕香紅春晚思不相訓怨難重合往事冰澌泮分明決絕股
釵還我一半

洞仙歌

胡蒙泉

半闌花雨是夜來凭處夢過溪橋逢柳住亂鶯聲殘酒醒正是
閑情小枕上唵就回文錦句歸鴻應別浦絲漲瀟茫早近湖

陰喚船路覽芳菲歌窈窕獨立莎根賸一掬閑情淒楚欲待折
微馨寄相思又生怕相思帶將愁去

滿庭芳

同前

愁徹簷花噙枯硯海日長多費茶煙懷芳心苦持此過年年雨
外飛紅何許應流到采絲洲邊消凝處別離情緒正是海棠天
吹花題葉事如今夢裏記得依然料歸來鶯居春後燕占人
先誰念文園倦客琴空在嬾向人彈愁何極楚天老月偏是到
窗前

驀山溪

劉藥房

醉魂離夢捻合難成片惡夢怕黃昏更西風梧桐深院蟬鬆翠
無記那日相逢人繾綣語玲瓏人靜凌波見香雲曾約念阻
題紅怨應是綠窗寒也思郎雲衣誰換郎今消黯步楚竹江雲
縹緲水涵茫不扭相思半

又

史可堂

危闌看月當做聽秋雨一滴一聲愁似相伴離人悲苦籠香袖
冷獨立倚西風紅葉落菊花殘都是關情處如何排遣賴有
高陽侶長嘯酒壚邊且同賦秋孃詞句山翁醉矣一笛小樓空
思往事看孤雲日斷江鴻去

聲聲慢

五日

劉藥房

湘雲織玉楚萸萸香深蘭簾幕風靜怨抑難招沈魄當年獨醒
莫唱江南古調念天涯深情誰省時暗換鼉秦樓悵望歸期無
定曾是榴裙誤寫怕照眼枝頭絳綃花並巧篆盤絲千鏡絲

窗闌影香蒲也應細翦但年年斷雲愁冷迎醉面看銀蟾飛浴
露井

又 和陸景思黃木香

史可堂

羞未妬粉染霧裁雲澹然蒼珮仙裳半頰羞妝莫道梳洗家常
碧羅亂縈小帶翠蛟寒一架春香清思苦倚晴嬌無力如待韓
郎 密幄籠芳吟夜任露沾輕袖月轉空梁弱骨柔姿偏解勾
引詩狂遺鈿碎金滿地恨無情風送韶光閑晝永看青青垂蔓
過墻

過秦樓

曾月朋 棟 子隆

曙色開晴輕颺敷暖日影纔經簷角倦來芳迳且倚闌干觸地
新愁粘著長日如年可堪恨兩絲絲夢雲漠漠見鳴禽遮響乳
鶯梳翅瘦愁方覺 凝望爰初綠呈新陳柯坼舊忘了一春歸
卻不傷花老只怕花開解使朱顏銷鏤寶扇輕搖亂拋花片教
飛迎風任掠忍重携素手驟覺一分瘦落

又

利碧澗

眉黛山分靨朱星合郁郁夜堂初見芙蓉寄隱豈寇傳香便許
翠鬢偷翦迎夜易羞欲晨先怯風流取取未慣正流蘇帳掩綠
玉屏深紅香自煖 誰信道媚日難留驚雲易散從此三橋路
遠巢燕春歸翦花詞在誰寄題紅一片料想伊家如今羞傍琴
窗慵題花院但碧桃影下應對流紅自歎

齊天樂

同前

澹雲荒草秋天算歸心又寒煙水論橙移花量船載酒宗冥當

年情味孤蓬夜閉聽四壁松聲欲高遠細似近如遙露鴻聲亂
楚天外 藍橋人斷歲久舊家曾共賞九華花事艷雪初融生
香自暖消得金蓮帖地相思破睡謾一點琴心暗闌千里愁怯
潮生曉帆風又起

又 和翁時可悼故姬

曹松山 遠

翠簫聲斷青鸞翼心期破釵誰表夜燭銀屏春風粉袖猶記琵琶
斜抱瑤池路香恨巫女回雲月娥沈照謾說蓬萊玉環花貌
夢難到 巖花亭院乍冷更蛩吟風碎鴻飛煙渺綠玉彈棊紅
牙按拍樂事歡情終少劉郎未老要鬢翼堆玄腕酥凝皓莫忘
香期綠羅裙帶草

又

柴秋堂 望

淒淒楊柳瀟瀟雨綃窗怎禁滴瀝思裏傳螢愁邊落雁多少東
吳山色知他恨極料為我窗前強鳴刀尺竟日西風那堪無寐
更鄰笛 黃花開徧未也花開應笑我年少難覓灞上長安
渭水都把韶華暗擲何人碎璧尚哀草連天算煙凝碧怕說
相思撼風喧夜寂

徵招 梅

李草堂

翠壺浸雪明遙夜初疑玉虬飛動莫弄紫簫吹墮寒瓊驚夢把
紅爐對擁怕清魄不禁霜重愛護殷勤待長留作道人香供
塵暗古南州風流遠誰尋故枝么鳳謾舉目消凝對愁雲矇眊
向霞扉月洞且嚼蘂細開春鏡這奇絕好喚蒼鬚占諸君來共

賀新郎 憶鶴

劉葯房

蒼蘚粘溪路，悵山君。備然羽化，夢坡何許，曾約秋雲縈客袖。舞
傍唵皋硯，塢鳩清唳，裂穿雲宇。江碧空濛，無處問問孤山梅。底
人知否。煙夜永，耿耿心語。瑤華一去，成幽阻，倚修篁，抱琴愁絕。
天寒日暮，城郭悲歌，華表恨，此事消凝，千古有招隱，小山能賦。
蕙帳空子，誰夜怨，算課騷讀易，俱淒楚。步深窈，墮松露。

又

袁宣卿

曉色明窗綺，篆煙消寒生。翠幄烏啼，人起昨夜西園，新雨過，細
草間。花似洗，漾藍影，柳塘春水晴。畫雙飛，歸來燕，正東風，緩緩
臨桃李。還又是，醉天氣。回廊小院，簾垂地，恨連天。芳草淒迷，
短長亭外，愁到春來，依然在。舊事還如夢裏，又生怕人驚憔悴。
何處樓頭吹羌笛，向曲中說盡相思意。三弄罷，寸心碎。

鳴梭

自度

譚明之

織綃機上度鳴梭，年光容易過。縈縈情緒，似水煙山，霧雨相和。
謬道當時何事，流盼動層波。巫影嵯峨，翠屏亭薜蘿，不須微
醉，自顏酡。如今難，恁麼燭花銷，艷伴替人垂淚。滿銅荷，賦罷西
城殘夢，猶問夜如何。星耿斜河，候蟲聲更多。

解連環

姑蘇懷古

奚秋厓

霽鬢新掠，正風回浪影，時搖城腳。歎天涯春草無，似凝竚當
時，柳顰花弱。步錦珠沈謬，一瞬千年如昨。信龍樓鳳閣，無奈都
由笑歌休卻。斜陽柳邊自落。聽幽禽兩兩，沙際評泊。道世間
多少閒愁，總輸与扁舟五湖。游樂便買蓑衣，又生怕魚龍風惡。
把從前萬事，對酒且休問著。

瑞鶴仙

曹松山

鑪煙消篆碧對院落秋千畫永人寐濃春透花骨正長紅小白
暈香塗色銅駝巷陌想游絲飛絮無力念繡窗深鎖紅鸞遠度
禁烟寒食空憶象林沈水鳳枕屏山殢歡猶惜粉香狼籍海
棠下東風急自秦臺簫咽漢皋珮冷斷雨零雲難覓但杏梁雙
燕歸來似曾舊識

又

怪新來瘦損對鏡台霜華零亂鬢影甯中恨誰省正關山寂寞
算天風景韶裘漸冷聽梧桐聲敲露井可無人為向樓頭試問
塞鴻音信怎忍勾引愁緒半掩金鋪雨欺燈暈家僮困卧呼
不應自高枕待催他天際銀蟾飛上喚取嫦娥細問要輒坤表

裏光輝照予醉飲

又和丁基仲

得趣居士周氏

畫樓簾捲翠正柳約東風搖蕩春霽細桃雨纒洗似妝臨寶鏡
脂凝鈿水雲偏髻子墜釵梁羞看燕壘最堪憐錦繡香中早有
片紅飄砌閑記琴彈古調曲按清商舊年時事屏山畫裏江
南信夢中寄感春濃懷抱午醒初解淺酌依然又醉傍闌干猶
怯餘寒倦和袖倚

疎影

催梅

施雲隱

知言

但枝重實望翠陰護幽夢難覓淒楚霓裳瓊闕瑤台經年暗鎖
清逸春風似怪重門掩未許入玉堂唵筆想壽陽卻厭新妝倦
抹粉花宮頰還記孤山舊路未應便負了波冷蟾白莫寄相

思惟有寒煙伴我騷人閒
宋東君須自憐疎影又何待
山前雪積好試敲羯鼓聲
催與約鼎羹消息

翻香令

鄔文伯

醉和春恨拍闌干
寶香半炷倩誰翻
丁寧告東風道
小樓空斜日杏花寒
夢魂無夜不闌山
江南千里霎時間
且留得鸞光在
等歸時雙照淚痕乾

摘紅英

趙參晦

東風冽紅梅坼食列切
畫簾幾片飛來雪
銀屏悄羅裙小一點
相思滿塘春草空愁切
何年徹不歸又合分明說
長安道蕭聲鬧去時
駘馬誰家繫了

夢江南

前人

簾不捲細雨熟櫻數點
霽霞天又晚一痕涼
月酒初消風緊絮
花高閣處少磨盡
少年豪昨夢醉來騎白鹿
滿湖春水段家橋
濯髮聽吹簫

秋蕊香令

黃乙山

苑外數聲風定煙際一痕
日淨水晶屏小歌醉枕院
靜鳴蛩相應香銷斜掩
青銅鏡背鐙影寒砧
夜半和雁陣秋在劉郎
綠鬢

夜行船

黃野橋

十四絃聲猶未斷
星月上西牆一半
卻手休彈含情
澈妬報道春宵短
銀燭紗籠須早辦
不住地金蕉催勸
別院人歸小窗
鐙靜自把花枝看

虞美人

前人

捲簾人出身如燕
燭炬粉妝明豔
羯鼓初催按六么
無限春嬌都上舞裙腰
畫堂深窈曾親見
宛轉楚波如怨
小立花心曲未終
一把柳絲無力倚東風

鬥雞回

夾鍾商

杜龍沙

鶯啼人起花露真珠洒
白紵衫青驄馬繡陌相將鬥雞寒食下
回廊暝色惛惛應是待歸來也
日漸高門猶亞悶別銀缸漏聲初入夜

踏莎行

前人

波暖芹汀風香蘭浦清塵幾點
算算雨畫船絲竹載梁州綠旗
繩板歡游女修禊初三禁煙
百五年華恰到風流處
一生只許百回春一回春到休輕負

又

亡名氏

殢酒情懷恨春時節柳絲巷陌
黃昏月把君團扇卜君來近墻
撲得雙蝴蝶笑不成言喜還生
怯顛狂絕似前春雪夜寒無
處著相思梨花一樹人如削

鷓鴣天

題得相思字教行起來桐葉滿
紗窗秋光欲雨碁聲瀉粉帳不
容花露香新索莫舊跡狂玉爐
消息記錢塘小闌立徧紅蕉
樹一帶殘雲趁月黃

又

胡蒙泉

六曲銀屏夢隔雲半分鸞影
匣生塵別來可是春愁覺
試著輕

衫不貼身 風月夜短長亭也須聞得子規聲歸時莫看花梢
上但看芳洲綠幾深

又

利碧澗

鳳尾鬢香再疊梳瀉絲衫嫩感雙魚開收茉莉熏藤枕自插芙蓉
繞翠憫 新浴後淺妝初衛夫人帖學行書西窗一霎黃昏
雨笑問新涼飲酒無

謂金門

杜龍沙

階露重泥透尋花雙鳳天色清明風不動薄衫金絡繹 午枕
高雲斜縱一覺風流春夢起看翻翻簾影弄夕陽歸燕共

又

李仲敏

好古

花過雨又是一番紅素燕子歸來愁不語舊巢無覓處 誰在

玉關勞苦誰在玉樓歌舞若使胡塵吹得去東風侯萬戶

又

亡名氏

趙參晦

羞說起嚼破白桃花藥人在夕陽深巷裏燕兒來也未 一樣
半紅半紫雙鳳同心結子分在郎邊郎不記為郎今拆碎

又

陳雲厓

春晝永接葉鳴琴相應風定落紅香一迳疎疎窗竹影 寂寞
年時酒病遠笛悠悠吹醒間上層樓天又暝雲山青不盡

又

鄭覺齋

秋夜永葉葉梧桐霜冷皓月窺人深院靜孤鴻窗外影 情是
相思深井思是相思修綆別後信音渾不定銀瓶何處引

又

李蟪洲

花似西兩點翠蛾愁壓人又不來春且恰誰留春一霎 消盡
水沈金鴨寫盡杏箋紅蠟可奈薄情如此點寄書渾不會

菩薩蠻

劉小山

去時滿地花陰月歸來落盡梧桐葉簾外小梅殘綠窗幽夢寒
明朝提玉勒又作江南客芳草徧長亭東風吹恨生

又

許東溪 介 玠 三

西風又轉蘆花雪故人猶隔關山月金雁一聲悲玉顙雙淚垂
繡衾寒不暖愁遠天無岸夜夜卜燈花幾時郎到家

又

黃師憲 公度

高樓日斷南來翼玉人依舊無消息愁緒促眉端不隨衣帶寬
萋萋天外草何處春歸早無語凭闌干笙聲生暮寒

又

留積翁 元崇

江頭日落孤帆起歸心拍拍東流水山遠不知名為誰迢遞青
危檣來處路尚帶瀟湘雨楚尾與吳頭一生離別愁

又

劉賓王

題花曾蘸花心露當初誤結丁香樹往事小蠻窗新愁桃葉江
緩歌留薄醉急鞞人千里梅瘦月闌干斷雲春夢寒

訴衷情

王篔洲 蒼

補成團扇繡殘工並蒂瑞芙蓉花心欲就針折穎玉唾殘首
尋斷緒怨西風寂寥中兩般時候舊月新霜曉角昏鐘

阮郎歸

亡名氏

薄羅生色畫醪醪醪滿架時隔池貪看燕爭泥墜雙紅荔支

銷金字晚唐詩夾紗團扇兒自遮微雨傍花歸箇情天得知

又

宋德廣

好風吹月過樓西樓前人影稀杜鵑啼斷絲楊枝行人知不知
紅葉字斷腸詩泛今嬾再題後園零落澹胭脂似君初去時

畫堂春

朱堯章

綠窗睡起小窗殘玉釵低墮雲鬢回文在寄見伊難心緒闌珊
翠袖兩行珠淚畫樓十二闌干消磨今古霎時間恨致青山

南鄉子

前人

花柳隔重局送過秋千笑語聲鶯鵲也嗔人起晚天晴孤負東
風趁踏青細細研紅綾小字相思寫不成心上可人雲樣遠
寒盟只恐恩情薄似雲

朝中措

王寧翁

玉

楊花繞畫暖風多晴雪點池波戲數翠萍幾靨零星未碾圓荷
軟人天氣半如溽暑半似清和說與香篝經火酒痕徽却衣
羅

青門怨

月痕煙景遠思孤影舊夢雲飛離魂冰冷脈脈恨滿東風對孤
鴻翠銖塵冷香如霧人何許心逐章台絮夜深酒醒燭暗獨
倚危樓為誰愁

少年游

胡伯雨

曉鶯聲脆雨花乾倦枕夢初殘衣漬香留窗深紅暗把鏡近簷
看斷雲壓損溪橋柳花逢雪闌斑深倚屏根聞敲詩字酒醒

倍春寒

柳梢青

羅子遠

倚澗谷

草綠華身小桃花面安石榴
羣子野為歌周郎願曲曾媼夫君
悠悠羈旅愁人似飄零青天斷雲何處消魂初三夜月第四

稿春

更漏子

同前

晚潮生涼月細一抹遠山無蒂收
越棹起吳檣人間何限忙
石頭城西北角杳杳天低鷓落
渾不似此波光清歌催夕陽

又

王敬子

夢期疎書約誤腸斷夜窗風雨
燈暈冷漏聲遙酒消愁未消
想天涯芳草碧人与芳春俱客
憑杜宇向江城好啼三两聲

少年遊

趙君舉

曉山日薄半春陰煙暖柳昏金滿眼
新晴歌聲妝影悠蕩碧雲
心間庭客散人歸去疎雨溼羅襟
樓閣濛濛斷虹明處十里
算雲深

采桑子

前人

春蠶昨夜眠方起閑了羅機共采柔枝
柔柘陰陰三月時背
人佯笑移金釧惆悵花期故故留遲
獨自歸來雨滿衣

一翫花令

李蟾洲

梨花隨月過中庭月色冷如銀
金閨平帖陽台路恨酥雨不掃
行雲妝褪臂閒髻慵簪却盟
海浪花沈洞簫清吹最關情
腔拍懶溫尋知音一去教誰聽
再拈起指法都生天濶雁稀
簾空

鶯悄相傍又春深

江城子令

譚在菴

嫩黃初染綠初描倚春嬌索春饒燕外鶯邊想見萬絲搖便作
無情終軟美天付与眼眉膏短長亭外短長橋駐金鑣繫蘭
橈可愛風流年紀可憐宵辨得重来攀折後煙雨暗不解遙

漁家傲

同前

深意纏絲歌宛轉橫波停眼銜前見最憶來時門半掩春不暖
梨花落盡成秋苑疊鼓收聲颿影亂燕飛又趁東風軟日力
湯長心力短消息斷青山一點和煙遠

又

石瑤林

春入桃顛生嫵媚妝成日日行雲意貪聽新聲翻歌指工尺字

窗前自品瓊簫試

玉碾鸞釵珠結桂金泥絡繹乾紅袂從祀

畫圖詩絕世金蓮地六朝未識雙鴛細

眼兒媚

柳

尹梅津
惟曉

裊裊垂楊蘸清漪明絲染春絲市橋繫馬旗亭沽酒無限相思
雲梳雨洗風前舞一好百般宜不知為甚落花時節都是顰

眉

霜天曉角

范石湖

晚晴風歇一夜春堪折脉脉花疎天澹雲來去數枝雪勝絕
愁更絕此情誰共說惟有兩行征雁知人倚畫樓月

又

前人

少年豪縱袍錦圍花鳳曾是京城游子馳寶馬飛金鞍舊游

渾似夢髻點吳霜重多少燕情鶯意都瀉入玻璃瓖

又梅

王子知深

疎明瘦直不受東皇識留与伴春應眉千紅唇怎著得
夜色何處笛曉寒無奈力飛入壽陽宮裏一點點有人惜

又梅

樓孝父槃

月澹風輕黃昏未是清唵到十分清處也不啻二三更
曉鐘天未明曉霜人未行只有城頭殘角說得盡我平生

又桂

趙十洲希彭清中

嫦娥戲剝手種長生粒寶幹婆娑千古飄芳吹滿處碧
檀露滴人間秋第一金粟如來境界誰移在小亭側
韻色

陽春白雪卷第七終

陽春白雪卷第八目錄

瑞龍吟

沁園春

玲瓏四犯

解連環

氏州第一

雨霖鈴

畫錦堂

風入松

蘭陵王

夜飛鵲

霓裳中序第一

隔浦蓮近

燭影搖紅

憶舊游

一萼紅

塞翁吟

風流子

宴清都

念奴嬌

解語花

瑣窗寒

真珠簾

祝英臺近 二

應天長 十

梅子黃時雨

魚游春水

摸魚兒

念奴嬌

醉蓬萊

宴瑤池

踏莎行 二

戀繡衾

柳梢青

長相思 三

齊天樂 二

蘭陵王

鶯啼序

滿庭芳 二

繡佛閣

風入松

桂枝香

沁園春

永遇樂

西江月 四

憶秦娥

南歌子 二

謁金門 二

陽春白雪卷第八

臨濮趙間禮立之選

瑞龍吟

翁時靜 元龍

清明近還是遮翫東風做成花訊芳時一刻千金半晴半雨酬
春未準雁歸盡離字向人欲寫暗雲難認西園夢憶逢迎翠紈
障面花間笑隱曲迳池蓮平砌絳裙曾與濯香湔粉無奈燕幕
鶯簾輕負嬌俊 青榆巷陌踏馬紅成寸十年夢秋千吊影鞦韆
羅塵褪事往憑誰問晝長病酒添新恨煙冷斜陽緊山黛遠曲
曲欄杆凭損柳絲萬尺不如輕鬢

霓裳中序第一

胡蒙泉 翼龍 伯雨

江郊雨正歇燕子飛來人憶別未了殘梅怨結渺野色波光春

與天接相思遼濶怕柳風吹老吟髮關情處滿汀芳艸遮莫是
鷓鴣時節一餉愁絕謾料理新翻幾闋山尊堪共誰設夢到
斷橋飛絮仍雪歲華休省閱早豁地小園花發已辨著海棠開
後獨立半廊月

又

石瑤林

凭高快醉目翠拂遙峯相對簇千丈漣漪瀉谷愛溶漾墜紅染
波芬馥何人笑掬想溫泉初却綃縠春風蕩六宮麗質那日賜
湯沐雙浴繡鳧飄逐恍記展江南數幅而今鬢邊漸鵠阮洞
音稀嬾訪仙躅繫船橋畔宿聽靜夜泠泠奏曲長安遠渭流香
膩暗憶曉鬢絲

沁園春

春寒

徐西麓寶之

水榭春寒梅雪滂階竹雲墮墻數花時近也採香芳迳舊情著
處看月西窗十二樓中玉樓卧冷嬾掬胭脂放海棠層堤外渺
歸鴻無數江樹蒼蒼席篔夜禮東皇翦蕙葉為牋當綠章道
杏晴三月等鶯啼曉草烟萬里鴉鳴芳九十日春三千丈髮
如此愁來白更長江南岸正柳邊無路沙雨微茫

隔浦蓮近

翁霽靜

街簷插縐翠柳憔悴清明後淚蠟堆香徑一夜海棠中酒枝上
酸似豆鶯聲驟恨軟彈箏手搵眉袖嘶聽過盡平蕪絲視飛
繡沈紅入水漸做小蓮離藕亭冷沈香夢似舊花瘦欲留春住
時候

玲瓏四犯

同前

窗外啼鶯報數日西園花事都空繡屋專房姚魏漸邀新寵
翠試翦春畦羞對酒夜寒猶重誤暗期絲架香洞月黯小階雲
凍算春將檻郵亭鞍柳城園記人迎送蜀魂怨染巖花色泥
暹紅成隴樓上半揭畫簾料看雨玉笙寒擁怕晝晴無事消遣
日長清夢

燭影搖紅 海棠

前人

蜀錦華堂寶箏頻送花前酒妖嬈全在半開時人試單衣後花
面圍春競秀妬紅潮玉釵未透欲甦還墜淺醉扶頭朦朧晴晝
金屋名姝眼情空貯問眉岫世間還有此娉婷拚畫堂珠斗
真豔可人消受倩鶯催天香共袖冷煙庭院澹月梨花空教春
瘦

解連環

劉葑房

晚雲粘溼正吳峯慘澹雨迷煙接早隄頓秋事分携甚連苑算
墻菊荒苔市空澗愁鄉更天外怨鴻聲點怕唵肩易瘦料理算
衣細認香摺銀釭半明半滅念花營柳陣何日消歇可是凝
黯蘭成為情潤才鬆麗賦多悵洛浦溟濛滂竚想明璫鈎鞞告
梧桐夜深略住夢時一霎

又

黃雙溪 瑤廷

乍寒簾幕愁燈花正結又還輕落弄瘦影瓶裏梅梢為誰綴隴
頭向來新萼萬古千今算惟有別情難託把潘郎髻絲盡付雁
聲幾度寒冥扁舟算江舊泊記携觴就折烟翠猶弱漫過卻
歌夕唵朝問天遣何時素織重握想得文姬近更苦雲衣香薄

待更闌試尋夢境夢回更惡

憶舊游

同前

乍梅黃雨過徧倚層樓時舞垂楊暗綠知誰換以煙濃霧薄望
遠偏妨昔人畫鷁無教相引入橫塘縱細切香蒲重開絳藻嬾
向清觴淒涼舊游地謾賦減蘭成才退周郎總把芳辰誤念
紗窗深靜冰簟流光鳳箋記寫新句青羽碧天長又隱隱城頭
隨風斷角斜照黃

氏州第一

鄭小山

開徧來禽春事過也江南倦客心苦料理花愁消磨酒病還是
年時意緒寒淺香輕早一霎朝來微雨柳曲聞鶯河橋信馬旋
題新句漫道而今無賀鑄儘腸斷滿簾飛絮說似風流除非
小杜絕妙誇能賦黯相逢俱有恨空流落江山好處猛拍闌干
訴天知聲聲杜宇

一萼紅

前人

憶燕臺正倚簾吹絮小立望郎來擻管調絲塗妝綰鬢密意曾
記蜂媒空恁誤湔裙暗約最無奈好夢易驚回想見而今淺顰
雙翠沁破妝梅沈帶悄然寬盡恨年時行處紅糝蒼苔前事
重尋幽歡難偶鈿合空委鸞釵這一點相思清淚做心下煩惱
幾時灰教疊蠻牋怨歌忍對花裁

雨淋鈴

杜龍沙

窗影瓏璁畫樓平曉翳柳啼鴉門巷漸有新煙東風定人掃桐
花峭寒陡減看旅雁爭起兼葭澗潮斷雲多少悲鳴數行又下遠

汀沙 應是故園桃李謝送清江一曲闌干下染翰為賦春羈
嗟雙鬢客舍成華繡鞭綺陌強携酒來覓吳娃聽扇底悽惋新
聲醉裏翻念家

塞翁吟

陳行簡 坦之

遠碧秋痕瘦楚玉恨賦淒涼荷雨碎泣殘妝繫愁在垂楊秋衣
拂疊仙粧露裁雲刀尺猶香詩錦字獻明璫冑容易相忘思
量空掩抑分宵緩枕終不敵涼譙漏長自解佩蘭皋去後漸消
減香梅醞藉小杜疎狂年華駛水鬢影西風都付清觴

畫錦堂

孫花翁

薄袖禁寒輕妝媚晚落梅庭院春妍映戶盈盈回倩笑整花鈿
柳裁雲翦腰支小鳳蟠鴉髻鬢偏東風裏香步翠搖籃槁那
日因緣 嬋娟留慧盼渾當了匆匆密愛夢過闌干猶認冷月
秋千杏梢空闌相思眼燕翎難繫斷腸箋銀屏下爭信有人真
个病也天天

風流子

翁處靜

天濶玉屏空輕陰弄澹墨畫秋容正涼挂半蟾酒醒窗下露催
新雁人在山中一片好秋花占了重換却西風簫女夜歸帳袖
青鳳鏡娥妝冷釵墜金蟲 西湖花深處閒庭砌曾占席地歌
鍾載取斷雲歸去幾處房櫳恨小簾燈暗粟肌消瘦帶鑪烟減
珠袖玲瓏三十六宮清夢還與誰同

又

李嬪洲

雙燕立虹梁東風外煙雨濕流光望芳草連雲怕經南浦蒲萄

波漲怎博西涼空記省淺妝眉暈軟
眉袖唾痕香春滿綺羅小
鶯捎蝶夜留絃索么鳳求凰
江湖飄零久頻回首無奈觸緒
難忘誰信溫柔牢落翻墮愁鄉
仗玉箋銅雀花間陶寫珣釵金
鏡目匡平章十二主家樓苑應
念蕭郎

又

利碧澗

梨園花柳地扶殘醉曾記問妖
嬈歎惹住輕烟柔絲未改霏零
疎雨膩粉先飄更任道花無三
日豔柳有一年嬌卷翠未涯醉
紅易失共偎香影同賞良宵
如今知何處三山遠雲水一望
迢迢傍砌青鸞好在誰送歸
颺但花下紅雲尚通夕照柳邊
白月自落寒潮最是無端子規
啼破寒梢

風入松

同前人

斷蕪幽樹際烟平山外又山青
天南海北知何極年年是匹馬
孤心看盡好花成子暗驚新筍
成林歲華情事苦相尋弱雪
鬢毛侵十千斗酒悠悠醉斜河
界白日雲心孤鶴盡邊天澗青
猿咽處山深

宴清都

黃雙溪

墜葉窺簾語風簾薄迤來幽恨
無數牙籤倦展銀缸慵剔悄然
歸旅聲傳漏閣偏長更奈向瀟
瀟亂雨想近日舞袖翻雲吟箋
度雪誰頌當時翠縷吹花東城
繡陌雙燕何許香羅唾碧暗
紗印粉甚緣重覩藍橋鎮隔芳
夢念騎省悲秋淪賦待倚闌或
遇賓鴻殷勤寄與

蘭陵王

前人

絮花弱吹滿斜陽院落秋千外無數小舟絲水溶溶帶城郭流
光滂暗覺孤却鶯呼燕諾懽游地都在夢中雙蝶翩翩度簾幕
憑誰問康樂又粉過新梢紅褪殘萼闌干休倚東風惡憐瑟
韻空在鑑容偷改青青洲渚徧杜若故交半寥寞 漂泊鎮如
昨念玉指頻彈珠淚還閣孤燈隱隱巫雲薄奈何還無語恨深
誰託明朝何處夜漸短聽畫角

念奴嬌菊

安晚

楚天霜曉看老來秋圃寒花猶在金闕栽培端正色全勝東籬
風采雅韻清靈幽香澹泊惟有陶家愛由他塵世落紅愁處如
海 多少風雨漂搖夫君何素晚節應難改休道三閭曾舊識
輕把木蘭相對延桂同盟索梅為友不淺嬌春態年年秋後笑

觀芳草蕭艾

又

亡名氏 李清照

蕭條庭院又斜風細雨重門須閉寵柳嬌鶯寒食近種種惱入
氣天險韻詩成扶頭酒醒別是閒滋味飛鴻過盡萬千心事誰
寄 樓上幾日寒釀簾垂三面閑拍闌干倚被冷香消清夢斷
不許愁人不起清露晨流疎桐初引多少游春意雲高煙斂更
看明日晴未

夜飛鵲

胡蒙泉

星橋度情處地久天長塵世無此匆忙纖雲淡蕩涼蟾小家家
心果錢塘愁人獨無那歎紫簫易斷青翼難將返魂何在湯空
留荀令餘香 忍記穿針兒女算塵想都暗疊衣裳誰念才情

未減老來何遜少日盧郎柳風荷露黯消凝羅扇練囊更銀河
曲曲玉籤點點都是淒涼

又 荷花

張船窗 艾

霓裳按歌地涼影參差還是珮解江涓滄波正洗靴塵恨流霞
空沁銖衣盈盈半輸笑向朱闌凝竚欲訴心期碧筩喚酒恐嬌
娥未下瑤池 未許西風吹斷環步障千重鎮護金猊落晚文
禽點鏡分香竊翠却念幽羈綠雲驚散暗傷情不似芳時待清
歌招些憐心問酌水香舟移

解語花

同前

輕雷殷殷小枕驚回花影搖庭戶嫩涼遙度江雲墮結作西窗
暗雨閒階靜竚歎疎袂愁寬一縷凭畫闌潤葉鳴條總是安秋
處 因喚扁舟晚渡漸聞歌招得采菱儔侶臨平歸路花無數
應識汀洲倦旅飛紅怨莫長趁得斷鴻南浦聞枕衾誰更無聊
應最憐紈素

瑣窗寒

黃雙溪

駐馬林塘還尋舊迹雨收秋晚殘蕉映牖強把碧心偷展記相
逢畫堂宴開亂花影入簾初捲正小池漲絲絲綸曾試事隨鴻
遠 淒斷情何限料素扇塵深怨蛾碧淺清宮麗羽漫有苔箋
題滿問任墻雙柳尚存幾時豔燭親共翦但凝眸數點遙峯春
色青於染

齊天樂

同前

十年漢上東風夢依然澹烟鶯曉繫馬橋空維舟岸易誰識當

時蘇小萼花門草任波浴斜陽絮迷芳島笑匡歌邊黛蛾嬌聚
怕歸早 京塵衣袂易染舊游隨霧散新恨難表燕子朱扉梨
英翠箔留得春光多少暗絲漫繞料帶角香消扇陰詩香細倚
秋千片雲天共渺

又 庚戌元夕都下遇趙立之

丁无隱 默

倦雲休雨風還作交相醒花蘇柳字滿吟灰痕添坐席贏得新
愁寢守歸期未有負小院移蘭故園嘗悲謬道春來沈腰惟覺
似秋瘦 燒燈時候是也楚津留野艇曾趁芳友問月賒晴憑
春買夜明月添香解酒 知別久悵帝陌論心客塵侵首戲鼓
聲中舊情猶在否

真珠簾

徐

落紅幾陣清明雨憶花期半被晴慳寒阻新柳著春濃早翠池
波如粉雨香雲消息遠漫舊日秋千庭宇凝竚正春醒簾外一
聲鶯語 塵鎖寶箏弦柱自肩峰惹恨六么慵舞深院不成妝
有淚彈誰與記得踏青歸去後細共說花陰深處心悵怕當時
飛燕知人分付

蘭陵王

雨中登龜谿
乾元寺閣賦

曹松山

杏花坼煙柳藏鴉翠陌蘇堤上人正踏青嫩草萋萋羅袜游
絲挂晴塔十里酣紅豔白秋千外嬌靨咲春一片笙簫綺霞碧
阿香妬傾國把鏡日深奩絲雨愁織崇桃積雨無顏色但粉
蝶香漬燕泥芹冷紫錢芳暈翳寶瑟悵還近寒食 岑寂恨無
極更酒驛孤烟棋院長日梨花滿地春狼籍望鳳闕波渺燕樓

雲隔凭闌干晚吟袖溼但笑拍

祝英臺近

蘇竹里

結垂楊臨廣陌分袂唱陽關穩上征鞍目極萬重山歸鴻若到
伊行丁寧須記寫一封書報平安 漸春殘是他紅褪香收綃
淚點斑斑枕上盟言都做夢中看消魂鷓鴣聲中楊花飛處斜
陽愁下倚闌干

又 木樨

張東之 潞

寶熏濃雲幄重瑤葉麗香葉黛絲蜂黃秋態未憔悴繡簾深院
黃昏著香無處人欲睡為花重起 月如水別有天外樓臺玲
瓏異塵世翠袖生寒袷欠素娥倚何如倩取西風吹將歸去為
添在廣寒宮裏

鶯啼序

徐西麓 鼎夫

荼蘼一番過雨洒殘花似雪向清曉步入東風細拾苔砌餘蘼
有數片飛沾翠柳縈迴半著雙歸蝶悄無人共立幽禽昵昵能
說 因念年華最苦易失對春愁暗結歎自古曾有佳人長門
深閉修潔寄么弦千言萬語悶滿眼欲彈難徹靠珠櫳風雨微
收落花時節 春工漸老綠草連天別浦共一色但暮靄朝烟
無際盡日日極江北江南杜鵑叫裂此時此意危魂黯黯渭城
客舍青青樹問何人把酒來看別思量怎向遲回獨掩青扉夕
陽猶照南陌 春應記得舊日疎狂等受今磨折便永謝五湖
煙艇只有吟詩曲塢煎茶小窗眠月春還自省把融和事長留
芳晝人間世与羈臣恨妾消離惻自題蕙葉回春坐聽蓬壺漏

聲細咽

應天長 蘇堤春曉

張梅深 成子

曙林帶暝晴霽弄霏鶯花未認游客草色舊迎雕輦蒙茸暗香
陌秋千架閒曉索正露洗繡鴛痕窄費人省隔夜濃歡醒處先
覺重過湧金樓畫舫紅旌催向段橋泊又怕晚天無準東風
妬芳約垂楊岸今勝昨水院近占先春酌恁時候不道歸來香
斷鐙落

又 平湖秋月

候蛩探暝書雁寄寒西風暗翦綃織報道鳳城催鑰笙歌散無
跡冰輪駕天緯逼漸款引素娥游歷夜妝靚獨展菱花淡絢秋
色人在湧金樓漏迴繩任光重袖香滴笑語又驚栖鵲南飛
傍林間孤山影波共碧向此際隱逋如識夢仙游倚徧霓裳何
處聞笛

又 斷橋殘雪

甃澌涸曉篙水漲漪孤山漸卷雲簇又見岸容舒臘菱花照新
沐橫斜樹香未北倩點綴數梢疎玉斷腸處日影輕消休怨霜
竹簾上湧金樓酒盞酥融金縷試春曲最好半殘鴉鵲登臨
快心目瑤台夢春未足更看取洒窗填屋灞橋外柳下吟鞭歸
趁游燭

又 雷峰夕照

磬圓樹杪舟亂柳津斜陽又滿東角可是暮情堪翦平分付烟
郭西風影吹易薄認滿眼脆紅先落算惟有塔起金輪千載如

昨誰信湧金樓此際凭闌人共楚天約準擬換樽陪月繒空
卷塵幕飛鴻倦任未泊門倒指教來還錯笑聲裏立盡黃昏別
道秋惡

又 麴院荷風

換槁度舫添柳護堤坡仙題欠今續四面水窗如染香波釀春
麴田田霞成暗綠正萬羽背風斜轟亂鷗去不信雙鴛午睡猶
熟還記湧金樓共拊雕闌任度浣紗曲自與故人輕別榮枯
換涼燠亭亭影驚豔目忍到手又成輕觸悄無語獨撚花鬚心
事曾卜

又 花港觀魚

岸容浣錦波影墮紅纖鱗巧避鳧唼禹浪未成頭角吞舟膽猶
怯湖山外江海而怕自有暗泉流接楚天遠尺素無期枉誤停
楫四望湧金樓帶草帶烟縹緲際城堞漸見算榔敲月輕舫
亂如葉濠梁興歸未愜記舊伴袖携留搗指魚水總是心期休
怨三疊

又 南屏晚鍾

翠屏對晚烏榜占堤鍾聲又占春色幾度半空敲月山南應山
北歡娛地空浪迹謾記省五更聞得洞天曉夾月橋疎穩縱香
勒前度湧金樓笑傲東風鷗鷺半相識暗教院僧歸盡長虹
卧深碧花間悵猶記憶正素手暗携輕拆夜深後不道人來
細窗隙

又 柳浪聞鶯

翠迷倦舞紅駐老妝流鶯怕與春別過了禁烟寒食東風顛鐸
鐵游人恨柔帶結更喚醒羽喉宮舌畫橋遠不忍緡蠻晚棹空
歌 爭似湧金樓燕燕歸來鈎轉算簾揭對語畫梁消息香沉
砌花肩昆明事休更說費夢繞建章宮闕曉啼處穩繫金狨雙
鞚籠月

又 三潭印月

桂輪逼采菱沿漾金潛虬暗動鮫室水路乍疑霜雪明昨洗春
色年時事還記憶對萬頃葑痕龜坼舊游處不認三潭此際曾
識 今度湧金樓素練縈窗頻照瘦侯席自與影娥人約移舟
弄空碧宵風悄籤漏滴早未許睡魂相覓有時恨日被雲妨天
也拚得

又 兩峯插雲

暮屏翠冷秋樹赭疎雙峯對起南北好與霽天相接浮圖現西
極岌崑霞雲共碧湧費盡少年游屐故鄉近一望空遙水斷煙
隔 閒凭湧金樓潑潑波心如洗夢淹筆喚醒睡龍蒼角盤空
壯商翼西湖路成倦客待倩寫素練千尺便歸去酒瓦花邊猶
自看得

滿庭芳 西湖

陳月境 借

嵐影浮春雲容閣雨澄泓碧展玻璃高住樓觀窗戶舞漣漪別
有輕盈水面清謳起舟菜如飛沙隄上垂鞭信馬柳重絲交枝
漸殘紅倒影金波潑潑弦筦催歸看飄香墜粉滿路扶携不
盡湖邊風月孤山下猿鳥須知東風裏年年此水貯盡是非

又送春

同前

榆莢拋錢桃英胎子揚花已送春歸未成萍葉水面綠紋肥沙
暖溪禽行哺忘機處離母相隨重簾靜銅壺晝歇聲竹間度暮
人生如意少樂隨春減恨為情離怕辜愁句怨漸近金徽浮
世更相代謝江頭明月渡口斜暉關情處摩挲釣石莫遣上苔
衣

梅子黃時雨

張梅深

雲宿江樓愛留人夜雨頻斷燈炷奈倦情如醉黑甜清午謔道
迎薰何曾是簟紋成浪衣成雨茶甌注新期竹院殘夢蓮渚
應誤重簾淒紵記并刀翦翠秋扇留句信那回輕道而今歸否
十二曲闌隨意凭楚天不放斜陽算沈吟處池草暗喧蛙鼓

繞佛閣

張船窗

渚雲弄溼煙縷際晚江國遙碧鴻過無迹怕聞野寺孤鐘動淒
惻小橋路窄疎袖暗拂衰草愁聽蛩語還癖可堪過了龜紗負
瑤席 荏苒露華白一夜秋窗驚曉色柳影孤危殘蟬空抱葉
想搖落關情歸夢頻折物華消歇盡倒斷寒塘幽香先減怨紅
供拒霜啼頰

魚遊春水

青樓臨遠水樓上東風飛燕子玉鈎珠箔密密鎖紅箴翠翦勝
裁幡春日戲簇柳簪梅元夜醉閒憶舊懽暗彈新淚 羅帕啼
痕未洗愁見同心雙鳳翅長安十日輕寒春衫未試過盡江鴻
知幾許不寄蕭娘書一紙愁腸斷也那人知未

風入松

昔年心醉杜韋娘，曾格外疎狂。綵箋預約西湖上，共幽深竹院松窗。愁夜黛眉顰翠，惜歸羅帕分香。重來一覺熟黃梁。空烟浪茫茫。如今眼巨無姚魏，舊游處都是淒涼。入扇柳風殘酒點，衣花雨斜陽。

摸魚兒

朱雪崖

對西風鬢搖烟碧，參差前事流水。紫羅絲帶，冰央結的，的鏡盟釵誓。渾不記，謬手織回文，幾度秋心碎。安花著蒂，奈雨覆雲翻，情寬分窄。石上玉簪脫，朱樓外，愁壓空雲欲墜。月痕猶照，無寐陰晴也，只隨天意。枉了玉消香悴，君且醉君不見，長門青草春風淚。一時左計，悔不早釵荆，暮天脩竹頭白，倚寒翠。

桂枝香

施翠巖

西風滿目，漸院落悄，清愁近銀燭。多少蟲書墮翠，又隨波縠。姮娥半露，扶疎影向虛簷似。知幽獨、浦鴻聲斷，枝烏漏永，芳夢難續。記舊日離亭，細囑早歸，趁香邊頻汎。醺醪誰遣，而今對景，黛蛾雙蹙。玉鞭但共秋光遠，謬空憐如許。金粟露零襟冷，蕭蕭更兼數竿脩竹。

念奴嬌

續雪谷

砌紅慵掃，問東風應念西湖，絮落簾轉。垂楊鶯轉，巧纔見、還飛因却。撚拍光陰，關心節序，總在秋千索。翻翻雙蝶，傍人爭趁，行樂。曾記步月歸來，秦箏彈徧，共倚闌干角。別後池亭誰鬥草，多少芳游擔閣。世事升沈，人生聚散，俯仰空如昨。餘香猶在，繡

帷清曉寒薄

沁園春

陳行簡

睡起聞鶯捲簾微雨黃昏
遮愁正青翰音斷離懷
幾摺碧雲算合千里
雙眸思發花前人歸
雁後誤記歸帆天際
舟渾無據但餘香繞夢
頻到西樓風流翻是花
讐謬長遣眉山翠不流
想哀箏繞拍鴻移鳳咽
殘鐙背泣玉沁春柔
夜月精神朝陽微豔
何處瑤台輕駐留愁
無際被東風吹去
綠黯芳洲

醉蓬萊

會稽蓬萊閣懷古

奚秋厓

又扁舟東下水樹青圓
雨榴紅薄燕子愁多在
重重簾幕杖屨山陰
而今休更問月尖眉
約雙杏盟寒七香珠墜
歌塵漂泊莫倚危闌
怨深黃竹一鶴歸來
亂峯飛落笑色凌波
任霧抽烟邈飄渺生香
地冷湘水外片雲如削
昨夜離人游仙夢遠
天風吹覺

永遇樂

同前

一雁斜陽亂蛩衰草
天淨秋遠獨立西風
星星鬢影疑被蕞霜
染塞修何處秋深湘水
隱約數峰青淺想而今
亭亭皓月誰共倚闌
淒惋瑤箱翠襲玉奩
芸翦暗裏淚花偷濺
一日思量十年瘦削
春色迴眸減凋鸞好在
文簫重許壘酒試香
庭院正消魂餘霞散碧
算雅數點

宴瑤池

神仙詞

同前

紫鸞飛舞又東華
宴罷歸步凝碧飄渺
天風吹送處泠泠佩聲
清逸青童兩兩爭笑
撚琪花半折羽衣寒
露香披翠幢珠輅去

雲疾 西真還又傳帝勅霞城檢校問學仙消息玉府高寒有
不老丹容自然瓊液人間塵夢應誤認烟痕霧跡洞雲依約開
時丹華飛素白

西江月

徐桃渚 儼夫

曲折迷春院宇參差近水樓臺吹簫人去燕歸來空有落梅香
在 花底三更過雨酒闌一枕驚雷明朝飛夢隔天涯腸斷流
鶯聲碎

又

翁霽靜

山色徑銜小苑春雲暗宿空庭秋千無月冷雙繩閑去畫闌人
靜 一夜海棠如夢半窗銀燭多情好花留不到清明日日陰
晴無定

又

王花洲

往事星移物換舊游雨冷雲沈真娘墓草幾回青問著寒潮不
應 何事芙蓉別館依前楊柳離亭東風吹淚入重局為喚香
魂教醒

又

胡蒙泉

水霽芹香燕窠林深風暖鶯吭一春心事錦機旁忘却尋芳模
樣 柳絮池塘晝午梨花院落昏黃闌干曲曲是迴腸倚到西
廂月上

踏莎行

同前

合數冰蓮注情金葉臂痕猶記嗔時迹小樓幾個月黃昏荷香
柳影都知得 問字燈深學書窗黑衣襟詩卷留殘墨相思不

扭藕絲長夢雲斷處吳山碧

又

照恨菱花翦情蕊葉彩雲散後無蹤跡
聽郎言語識郎心當時一點誰消得
柳暗花明螢飛月黑臨窗滴淚研殘墨
合歡帶上舊題詩如今化作相思碧

憶秦娥

翁處靜

三月時楊花飛盡無花飛無花飛不教春去
爭得春歸 高樓望斷黃金羈絲窗眉黛傷
新離傷新離好將別後長做歸時

戀繡衾

同前

獸爐烟重火半焦捲簾時雪意又消過
數點殘鴉外想梅花寒在灞橋
謝娘春恨深如柳未東風先道絮飄
且莫把冰絲翦有鐙球紅繡未描

南歌子

胡蒙泉

山枕鶯聲曉羽觴花片飛昨朝猶道未成歸
不記春衫襟上舊題詩 愁眼垂楊見苦心
紅燭知翻成怕見別離時只寄一聲
將息當相思

又

續雪谷

眼媚雙波溜腰柔一捻問伊何事放珠簾
笑道篆香消盡要重重添 數日寬金釧
梳雲拂翠奩梅妝依舊落虛檐題起一春
心事兩眉尖

柳梢青

陳行簡

綠弱紅癯煖雲江雨乍有還無破曉幽禽
平渠流水春響庭除

梅酸初著花跗似滴滴新愁未紓幾信花風一痕青燒萬里
春吳

謁金門

同前

歸未卜頻倒金盃纖玉明月綃窗停翦燭搦愁題蝨絲秋水
娟娟魚目腰素幾分消縮接得雲戔無意讀雕鞍何處宿

又

姚雪蓬 鐫

唵院靜遲日自行花影熏透水沈雲滿鼎晚妝窺露井 飛絮
游絲無定誤了鶯鶯相等欲喚海棠教睡醒奈何春不買

長相思

徐徑畝 霖

聽鶯聲惜鶯聲客裏鶯聲最有情家山何處青 問歸程
程行盡長亭又短亭江衫脫未成

又

南山鐘北山鐘一聽鐘聲百念空古今昏曉中 望秋風
風等得秋來等過鴻燈前書一封

又

心悠悠恨悠悠誰翦春山兩點愁笙寒燕子樓 曉星稀
飛織就回文不下機花飛人未歸

陽春白雪卷第八終

陽春白雪外集目錄

賀新郎七

念奴嬌

沁園春五

水調歌頭八

玲瓏四犯

宴山亭

沁園春

滿江紅十

小梅花三


水龍吟

賀新涼四

惜餘妍

桂枝香

水調歌頭



陽春白雪外集

臨濮趙聞禮立之選

賀新郎 寄李伯紀

張仲宗 元幹

曳杖危樓去斗垂天滄波萬頃月流烟渚掃盡浮雲風不定未
放扁舟夜渡一雁落寒蘆深處悵望關河空弔影正人間鼻息
鳴鼉鼓誰伴我醉中舞十年一夢揚州路倚高寒愁生故國
氣吞騎虜要斬樓蘭三尺劍遺恨琵琶舊語謬暗澀銅花塵土
喚取謫僊平章看過苕溪尚許垂綸否風浩蕩欲輕舉

又 送胡邦衡謫新州

夢繞神州路悵西風連營畫角故宮離黍亙事昆崙傾砥柱九
地黃流亂注聚萬落千村孤兔天意從來高難問況人情易感

悲如許更南浦送君路
涼生岼柳催殘暑耿銀河疎星澹月
斷雲微霧萬里家山知何處回首對牀夜月雁不到書成誰與
目盡青天懷今古冒兒曹恩怨相爾汝舉大白唱金縷

又 寄全甫

稼軒

把酒長亭說愛淵明風流酷似卧龍諸葛何處飛來林間鵲
踏松梢殘雪要破帽多添華髮賸水殘山無態度被疎梅料理
成風月兩三雁也蕭瑟 佳人重約還輕別悵清江天寒不渡
水深冰合路斷車輪生四角此地行人銷骨問誰使君來愁絕
鑄就而今相思錯料當初費盡人間鐵長夜笛莫吹裂

又

許深甫 及之

舊俗傳荆楚正江城梅炎濼夏做成重午門艾釵符關何事付
占癡兒駭女耳不聽湖邊鼉鼓獨炷爐香薰衣潤對蕭蕭翠竹
都忘暑時展卷語騷語 新愁不障西山雨問樓頭登臨倦客
有誰懷古回首獨醒人何在空把清尊酌與漾不到瀟湘江渚
我又相將湖南去已安排吊屈嘲渙父君有語但分付

又 六月十五日西湖月下

史邦卿

同住西山下是天地中間愛酒能詩之社船向西冷佳處放塵
世必無知者暑不到雪宮風榭楚竹忽然呼月上被東南幾葉
雲縈惹雲散去笑聲罷 清尊莫為嬋娟瀉為狂唵醉舞無失
晉人風雅踏碎槁邊楊柳影不聽漁樵閒話便欲舉空杯相謝
北斗以南如此幾想吾曹便是神仙也問今夜是何夜

又 吳中韓氏滄浪亭用吳夢窓韻

吳履齋

撲盡征衫氣小夸猶尊壘杖履踏開花事解后山翁行樂處何
似烏衣舊里歎荒州舞台歌地百歲光陰如夢斷算古今興廢
都如此何用洒兒曹淚 江南自有漁樵隊想寒山猿愁鶴怨
問人歸未寄語寒梅休放盡畱取三花兩葉待老子領此春意
皎皎風流心自許儘何妨瘦影橫斜水煩翠羽伴醒醉

又 雪堂弔東坡

朱謙甫

喚起東坡老問雪堂幾番興廢斜陽衰草一月有錢三十塊何
苦抽身不早又反用北門攜藻憺雨蠻烟添老色和陶詩翻被
淵明媿畢竟是忘言好 周郎英發人間少滯依然烏鵲南飛
山高月小歲月堂堂畱不住此事何時是了算不滿英雄一笑
我有豐淮千斗酒把新愁舊恨都傾倒醉吹笛到天曉

滿江紅

稼軒

笳鼓歸來舉鞭問何如諸葛人畫道恩恩五月渡瀘深入白羽
風生貔虎嘯青溪路斷猩鼯泣早紅塵一騎落平岡捷書急
三萬卷龍頭客渾未到文章力把詩書馬上笑駢鋒鏑金印明
年如斗大貂蟬却自兜鍪出待勒公勲業上磨厓浯溪石

又

劉後村

金甲瑀戈記當日轅門初立磨盾鼻一搗千紙龍蛇猶溼鐵馬
曉嘶營壁冷樓船夜渡風濤急有誰憐援臂故將軍無功級
平戎策泛軍什零落畫幙收拾把茶經香傳時時溫習生怕客
談榆塞事且教兒誦花間集歎臣之壯也不如人今何及

又

王東卿

八十歸來方崑下幾竿脩竹柴門外沙鋪軟路水流清玉栽接
新來桃与李安排舊日松和菊過小橋作个看山樓千峯綠
收筆研藏棋局酒莫飲經須讀但平平放下頓超凡俗獨睡已
無年少夢間唵不唱他家曲算人生萬事苦無多相將足

又送李御帶珙

吳履齋

紅玉階前問何事翩然引去湖海上一汀鷗鷺半帆烟雨報國
無門空自怨濟時有策從誰吐過垂虹亭下繫扁舟鱸堪煮
拚一醉留君住歌一曲送君路隔江南江北欲歸何處世事悠
悠渾未了年光冉冉今如許試舉頭一笑問青天無語

又赤壁懷古

戴式之

赤壁磯頭一番過一番懷古想當時周郎年少氣吞區宇萬騎
臨江貔虎噪千艘列炬魚龍怒卷長波一鼓困曹瞞今如許
江上渡江邊踏形勝地興亡處覽遺跡勝讀史書言語幾度東
風吹世換千年往事隨潮去問道傍楊柳為誰春揉金縷

又

潘然崑
特庭堅

築室依崖春風送一簾山色沙鳥外漁樵而已別無間客醉後
和衣眠犢背醒來淪茗尋泉脈把心情分付隴頭雲溪邊石
身未老頭先白人不見山空碧釣竿共把自慙釣直相蜀吞
吳成匡事何如只抱隆中郝滂長歌歌罷悄無言看青壁

又補視江興水

陳可齋

萬里長江天与限東南吳楚何人者提英
拍鞭欲渡孟德
舳艫烟赤壁佛狸心膽寒瓜步問波濤說盡幾英雄今猶古

中原地勢

又和陳潛使仙湖韻

蕭大山

莫是西湖分一派殘波賸碧間
問著鶯仙丹事老榕知得符水
帶長鷗踏損柳風絮暖魚吹入
只前山依舊漢時青晴還溼
亭疎好何消密花少好無多植
聽黃鸝三請要詩翁出消渴泉
斟寒玉液留題石剝蒼苔色歎
而今翻羨南春乾坤窄

又烏衣園作

吳履齋

柳帶榆錢又還過清明寒食天
一笑滿園羅綺滿城簫笛花樹
得晴紅欲染遠山過雨青如滴
問江南池館有誰來江南客
烏衣巷今猶昔烏衣事今難覓
任年年燕子晚烟斜日抖擻一

春塵土債悲涼萬古英雄迹且
芳尊隨分趁芳時休處擲

又汎舟武亭午炊仙
游館次呂居仁韻

留雲麓 元剛

風送清篙泝流沂武夷九曲
回首處虹橋無沒幔亭遺屋翠壁
雲屏臨釣石銀河雪瀑飛寒玉
想當年鍊遂倚林吹秋空綠
拳符帶楮節竹披荷芰冷
枿菊問丹厓碧嶼巨堪重辱青笈不
妨娛老眼烏鞞未許汗吾足
恰仙游一枕夢醒來胡麻熟

念奴嬌

程滄洲

中秋玩月憶山谷共倒金荷家
萬里難得尊前相屬
之句悵然有懷借韻作一首

晚晚涼散策恨西風不貸一池
殘綠誰與冰輪搗玉斧恰好今
朝圓足樹杪翻光莎庭轉影零
亂昆臺玉盞曾清露間須澆下

醪醕 休問湖海飄零老人心事似倚岩枯木萬里親知應健
否脈脈此情誰屬世憲難平天高難問倚徧闌干曲不妨隨寓
買園淮種松竹

小梅花

賀方回

城下路淒風露今人犁田昔人墓岸頭沙帶蕪葭漫漫昔時流
水今人家黃埃赤日長安道倦客無漿馬無草開函關閉函關
千古如何不見一人閑 六國擾三秦掃初謂商山遺四老馳
單車致絨書裂荷焚艾接武曳長裾高人端得酒中趣深入醉
鄉安穩處生忘形死忘名誰論二豪却不教劉伶

又

縛帟手懸河口車如雞栖馬如狗白綸巾撲黃塵不知我輩不
是蓬蒿人衰蘭送客咸陽道天若有情天亦老作雷顛不論錢
誰問旗亭美酒斗十千 酌大斗起為壽青鬢常青古無有笑
嫣然舞翩然當壚秦女十五語如絃遺音能記秋風曲事去千
年猶恨促擊流光繫樽杓爭奈愁來一日即為長

又

思前別記時節美人顏色如花發美人踈天一涯娟娟姮娥三
五滿還虧翠眉蟬鬢生離訣遙望青樓心欲絕夢中尋卧巫雲
覺來珠淚滴向江水深 愁無已奏綠綺歷歷高山與流水妙
通神絕知音不知算兩朝雲何山岑相思無計堪相比珠箔雕
闌幾千里漏將分月窗明一夜梅花忽開疑是君

右三闋彙括唐人詩歌為之是亦集句之義然其

問語意聯屬飄飄然有豪縱高舉之氣酒酣耳熱
浩歌數過亦一快也

沁園春 寄稼軒

劉改之

斗酒彘肩風雨渡江豈不快哉被香山居士約林和靖与蘇公
命駕勒吾回坡謂西湖正如西子濃抹淡妝臨照臺二公者都
掉頭不顧只管銜杯 白云天竺去來圖畫裡崢嶸樓觀開看
東西一澗縱橫水繞兩山南北高下雲堆逋曰不然暗香疎影
且向孤山先探梅漁晴去訪稼軒未晚且此褰裳

又 御閱上郭帥

玉帶猩袍遙望翠華馬去如龍擁貂蟬爭出千官鱗集貔貅不
斷萬騎雲從細柳營開團花袍窄人指汾陽郭令公山西將算
韜鈴有種五世元戎 旌旗蔽滿寒空魚陣整從容布帳中想
刀明似雪縱橫脫鞘箭飛如雨霹靂鳴弓威撼邊城氣吞胡虜
慘澹塵沙飛北風中興事看君王神武駕馭英雄

又 夢方孚若

劉後村

何處相逢登寶釵樓訪銅雀臺命厨人斫就東溟鯨膾圍人呈
罷西極龍媒天下英雄使君與操餘子誰堪共酒杯車千兩載
燕南劍客趙北奇材 酒酣畫鼓如雷又爭信鄰雞輕喚回歎
年光過盡功名未立書生老去機會方來使李將軍遇高皇帝
萬戶侯何足道哉披衣起但淒涼念舊感慨興哀

又 官滿作

雷春伯

問信故園今如之何還勝昔無想舊芸蘭蕙依然蔥蒨新栽楊

柳六已扶疎非本千畦芋根一畝兩老煙荒誰為鋤難忘者是
竹吾愛甚梅汝知乎 茅亭任亞平湖有狎鷺馴鷗尚可呼把
絳紗準擬新官到也寒瓊收拾賤子歸歟略整柴門更刪草徑
惟有幽人解枉車丁寧著与做添棋局砌換茶鑪

又 用履歷多景樓韻

程滄洲

萬里飄萍送江入海過古潤州正羈懷無奈憑高縱覽濛濛烟
雨簇簇漁舟南北區分江山形勝憂憤令人扶上樓沈凝久任
斜飛雪片急洒貂裘 英風追想孫劉似黑白兩奩棋未收把
煙霞饒与坡僊米老丹青難覓摩詰營邱斗野弭風海門殘照
長與人間管領愁憑誰問借天河一挽洗甲休休

水龍吟 答沈莊可

蕭鶴阜

人生何必求名身間便是名高處卧雲衣袂何因自染修塗塵
土世路羊腸人生狙賦翻雲覆雨把從前舊夢倚闌重省休更
錯添箋注 况是吾廬江上也拉得封侯千戶高眠閒聽鄰舟
漁唱倚闌農語休望當年溪邊俱載隆中三碩怕羣鷗激覺見
人欲起背人飛去

水調歌頭

甄龍友

西風新葉墮南國九秋初周天三百六十五度片雲無上有迢
迢河漢下有滔滔江水橫載洞庭湖一葉放流去人在渾儀圖
滿虛空張寶蓋綴明珠琉璃為地遊戲乾象駕坤輿爛醉蓬
萊方丈徧入華嚴法界試問夜何如北斗轉魁柄東海欲飛鳥

又 送陳之歸鎮州

蔡伯堅 松年

東垣步秋水幾曲冷頗黎沙鷗一點晴雪知我老忘機共約經
營五卦卧看西山煙兩窗戶舞漣漪雅志易華髮歲晚羨君踈
月邊梅湖石入新詩飄然東晉奇韻此道賞音稀我有一
峯明秀尚戀三升春酒孤負綠蓑衣為寫倦游興說与水雲知
又 寄浩然

雲間貴公子玉骨秀橫秋十年流落冰雪香鬪然貂裘燈火春
城咫尺曉夢梅花消息重紅寫銀鈎老去黃塵眼如到白蘋洲
世間物惟有酒可忘憂蕭閑一段疎計佳處著君侯翠竹江
村月上但要綸巾鶴氅來往六風流醉墨薔薇露洒徧酒家樓

又

榮樵仲

既難求富貴何處著溪山不成天也不容我去樂清閒短褐寬

裁疎葛拄杖橫拖瘦玉著个竹皮冠弄影碧霞裏長嘯翠微間
醉時歌狂時舞困時眠俯然自得了無一點俗相干擬把清
風明月翦作長篇短闕留與世人看待倩月邊女踈去借青鸞

又 帥蜀作

崔與之
正子 菊坡

萬里雲間成立馬劍門關亂山極目無際直北是長安人苦百
年塗炭鬼哭三邊鋒鏑天道久應還手寫留屯奏炯炯寸心丹
對青鎧搔白首漏聲殘老來勳業未就妨却一身閑蒲礪清
泉白石梅嶺綠陰青子怪我舊盟寒烽火平安夜歸夢繞家山

又 和吳秀昌韻

程滄洲

駝褐倚禪榻絲髻颺茶烟誰知老子方寸歷歷著千年試問汗
青餘幾一笑腰黃榮夢我自樂天全出處兩無累贏取日高眠

八千里西望眼，斷霞邊，弁蒼宮碧。隨分風月，不論錢執手，還成輕別。何日疎來投社玉，海得同編經世。付時傑，覓个釣魚船。
又

不能煩惱得掉臂，便疎休前度風牆。這回漁轍幾悠悠，幸得有雲一谷，更自有書萬卷，著甚麼來由。月采混魚目，霜點泥蠅頭。相山中，侯醉境，將詩流情，知薄命个樣勳業也。須收避邏世間萬事，推放那邊一僻百尺，卧高樓。日月草頭露，天地水中漚。

又 飲蕪湖雄觀亭

魏句濱 廷玉

璧月挂銀漢，冷浸一天秋天。公付我清賞，仙籍桂香浮極目。江山如畫，際晚雲烟凝紫，秋色豁羈愁。領首上雄觀，波影動簾鉤。雁排空，漁唱晚，楚天幽。湖陰一曲千載成敗，倩誰傳試問，謫

僊何處喚起于湖，同醉小為作遨頭。老子欲起舞，擺脫利名休。

賀新涼

送上官尉罷官歸吳中

趙處齋

滿酌蓬萊酒，最苦是中年作惡送人時候。一夜朔風吹石裂，驚得梅花也瘦。更衣袂嚴霜寒透，卷起江潮高似屋。甚扁舟泊在三江口，明月冷載疎否。分携欲折無垂柳，但重樓徙倚兩眉重。敲浪濶天高，無處問萬事不堪回首。況望斷孤鴻，疎後玉樣莼絲，今正美。想季鷹已自先招手，湏破戒飲一斗。

又

送靈山馮可久通守潯陽

陸象澤

象一作東

笛喚春風起，向湖邊臘前折柳，問君何意。孤負梅花立晴晝，一舸淒涼雪。但小閣琴棋而已。佳客清朝留不住，為匡廬小在家窗裏。湓浦去兩程耳。草堂舊日談經地，更泛容南山北水。

庾樓重倚萬卷心曾幾千古仰首駸駸紫氣正江上風寒如此
且趁霜天驢魚好把貂裘換酒長安市明夜去夜千里

又 贈送行諸客

魏句濱 庭玉

算雨初收霽凭闌干一江新綠遠山凝翠漠漠春陰添客思悵
望天涯無際又猛省平生行止楚尾吳頭多少恨付唵邊醉裏
消磨矣浮世事只如此 陽關三疊徒勞耳也何須琵琶江上
掩青衫淚一斗百篇乘逸興要借青天為紅兒輩吃龍蛇飛起
今夜月明呼酒處待明朝酒醒帆千里且為我唱新製

又 用俞國寶韻

洪平齋

誰識昂昂鶴且隨緣賸水殘山東村西落世事幾番新局面看
庄却高三著况轉首西山日薄雪意壓檐梅索笑在柄長柄長
鄰家杓簞小甕動孤酌 見花憶得年昨時正微醺獨步黃昏
被花迷却冷月吹香春弄影么鳳梢頭先覺恍夢斷羅浮山脚
欲寄心期無驛使想凌寒不奈腰肢約空凭暖畫闌角

玲瓏四犯 被呂賦茶蘼

曹松山

一架幽芳自過了梅花獨占清絕露葉檀心香滿萬條晴雪肌
素淨洗鉛華似弄玉乍離瑤闕看翠蛟白鳳飛舞不管算烟啼
鳩 酒中風格天然別記唐宮賜尊芳冽玉鞋喚得餘春住猶
醉迷飛蝶天氣乍雨乍晴長是伴牡丹時節夜散瓊樓宴金鋪
深掩一庭香月

惜餘妍 被呂賦二色木香

同 前

同根異色看鏤玉雕檀芳艷如簇秀葉玲瓏嫩條下垂修絲禁

華深鑱清妍香滿架風梳露浴輕盈便似覺醪醱格調粗俗
蜂黃間塗蝶粉疑舊日二高各樣妝束費卻春工鬥合靚芳穠
馥翠華臨檻清賞飛鳳簪休辭醉玉晴晝鑱貯春瑤台金屋

宴山亭

被台賦玉繡球

同前

香月玲瓏柔風鏤刻嫩絲枝頭圓膩飛梭豔宇絮柳池塘獨立
萬紅塵外戲舞千團訝粉羽留連春媚非是看滾雪拋瓊鏡鸞
相倚 唐昌仙觀風流有霞洞葳花紺鬢玉葉雕闌占賞禁苑
承恩難比太平瑤卉徧插金餅更移近寶猊烟翠堪愛只少个
鴛鴦繡帶

桂枝香

鞠花翁

過溧水感羊角哀左伯桃遺事

丁丁起處在縱收九京經燒殘樹時見烏鳶飢噪鸛鷓妖呼教
椽老屋團荒堵算何人辨香來炷澹烟斜照閒花野棠杳杳年
度 世事幾番雲覆雨獨此道嫌人拋棄塵土眼裏長青誰也
解如山否三三五五騎牛伴望前村吹笛踈去柳青梨白春濃
月淡踏訝推鼓

沁園春

施翠岩

夜登白鷺亭

披紫菟裘上白鷺亭看吹洞簫望長庚鯨過江橫素練回仙鶴
度月在青霄依約淮山清冷風露如到瀛洲聽海濤浮園近更
玉鈴金鐸初奏琅璈 人間夢境察察問故國繁華能幾朝有
千年枯井龍沈鳳怨數邱黃壤兔走猿啼莫問榮華不如踈去

短棹孤篷乘夜潮翠嶂下耕白雲二頃賸種仙苗

水調歌頭

鄭雲巖

甲辰皖山寄治中秋招客

甫營亭子小花柳蘄新栽衰翁餘暇何妨領客小徘徊堪歎人生離合恰似燕鴻來往光景暗中催蘆荻晚風起明月滿沙堆
去年秋如此夜有誰陪欲挽天河無路滿眼搖塵埃未了癡
兒官事行止從來難定又趣到蘇臺不作別離句共醉十分盃

陽春白雪外集終

此書為余客涪州時借鈔于沈乾廬太守僅完第七卷漫
從湯二孫脩借得補繕乃成全帙裝于京師也夔友誌



案先著所選詞源
即以此同作六字句

歲在屠維大國獻壯月余鈔此書既竣裝潢成帙始知近
人已列入詞學叢書但坊肆索值極昂不能售耳倘獲刊
本精為勘校誠快事也重陽前一日夔友再誌于空青詞
館時天氣漸寒初換棉衣
夢窗高陽臺咏落梅其下半闕首句他本皆多作壽陽宮
裏愁鸞鏡此作壽陽空理愁鸞是鸞字用韻非七字句也
他本迨以空理二字誤作宮裏遂妄增鏡字作七字句不
惟失韻且詞旨亦不如原句婉至致与下句問字全不叫
應又結尾三句他本作最愁人啼鳥晴明葉底清圓此晴
作清作青蓋言梅花落後已屆清明一花不見惟有梅子綴青
圓綴于葉底而已何等曉暢有味如曰晴明則全指天氣
已屬湊泊清圓又似指鳥聲不惟味道索然文氣幾不聯

案王灼碧溪漫志載方
回改本六作收寒

貫矣又賀方回石州慢上半闕薄雨催寒此作收寒長亭柳
色纔黃此作柳花遠客一枝先折此作倚馬何人先折烟橫水
際此作烟橫水滂映帶幾點歸鴉此作歸鴻還記出門時
作猶記出關來卻而今時節作恰而今時節下半頓成輕
別作便成輕別己是經年作回首經年共有幾許清愁作新愁杜望
斷天涯作顛顛一天涯通首各殊幾二十字兩相銜校再
三循諷其相去遂不可道里計或以謠傳訛承襲不覺耶
抑後人枉加竄易耶此種家傳戶誦之詞已有亦有不同如此
其他可知矣是又賴深于詞者精求之耳

庚子人日夔友書于聽雁聽風雨齋之南榮



陽春白雪詞八卷外集一卷邊浴禮手抄本
案浴禮字說友一字袖石直隸任邱縣人道光甲
辰進士官河南南汝光道著有健修堂詩錄及
空青詞四雅集而詞尤有名張之洞書目考開列
清代詞人僅十三家浴禮其一也陽春白雪為宋
趙聞禮撰明以來久乏傳本朱彝尊詞綜發見稱
是集見朱開先小山學府則嘉隆間猶有散佚高
士奇妣絕在詞序稱是書名存書佚則朱高輩
皆未見是書以書為浴禮借得沈約唐守

舊藏本手鈔七卷又從湯二雅借得補經可
成全惟其跋中稱與他本字句異同殆指詞學
書及書本共述其後詞學書及及自粵雅堂書及
皆刻有德壽句也此跋跋中所舉字句頗與
粵雅堂本同惟與粵雅堂本及詞學書及本異
處者多開為即有十字皆覺以此本佳妙明眼
人也能共鑒焉也

白鹿洞
德壽堂
德壽堂
德壽堂
德壽堂
德壽堂
德壽堂
德壽堂
德壽堂
德壽堂



